

دار الفنون

حقوق قانونی و اقتصادی

مقوق ، اقتصادیات

ایکی آیمہ بر نشر اولنور

مندرجات

قسم حقوقی :

بورجرل قانونتہ نظراً (کفالت) حاجی عادل
یکی تورکیہ حقوق مدنیہ سی تدقیقاتہ مدخل صاوزه رھال (مترجملری) دانش سعید ، صدیق سامی
جمعیت اقوام وثیقہ لری (ادیب بک طرفندن ترجمہ ایدلمشدر)

قسم اقتصاداری :

عثمانلی استقر اضلری ابراہیم فاضل

عثمانی استقراضلری

[بکن نسخه دن مابعد]

۴

تعطیل تأدیات دوره سی

و

بود دوره ده کی مذاکره ، استقراض و استلاف

تعطیل تأدیات دوره سی (۱۸۷۵) دن (۱۸۸۱) تاریخنه قادار دوام ایتمشدر . بوبش
سه مدت عثمانی امپراطور لغتک الک بحرانلی دورلرندن برینه تصادف ایدر . یکدیگری
تعقیب ایدن سیاسی بحرانلر ، داخلی اغتشاشلر و روس حربی وضعیت مالییه یی بوسهوتون
تشویش ایتمشدی . برطرفدن ، داینلر طرفندن واقع اولان تضییقاته ، دیگر طرفدن
حکومتک معقول بر صورت تسویه بولارق مقرضلری تأمین و تعطیل تأدیاتک سه
تأثیرینی ازاله ایتک حقنده کی آرزوسنه رغماً تا ۱۸۸۱ تاریخنه قدر اساسلی برصورت حل
بولونامامشدر .

هاموند بررزه سی : دها (۱۸۷۵) تاریخنده ، نصفاً تأجیل قرارینک اعلانی متعاقب ،
حاملر ، پارس ، لوندرد و استانبولده ، مالییه یی پروتستوایتمکله برابر کندی حقوق و منافعی
مدافعه ایچین ترتیبات آلفه باشلامشدر ، قومیتلر تشکیل ایدرک باب عالی ایله تماسه
کلیک جالیشملاردی . لوندردده مبعوت هاموند (Hamond) و فرانسه ده سابق سه فی
بوره (Bourée) نک ریاستنده باشلیجه ایکی بویوک سندیکه شکل ایتش و فقط قبول
ایدیلرک صورحلیه اعتباریه درعقب مختلف استقراضات حامللری آره سنده اختلافات باش
کوسترمشدی . بو اختلافاتک باشلیجه بی استقراضانه مبدأده تعیین ایدیلش اولان قارشیلقلردی .

بعض غرضه بلر استقراضانده مقاوله کوسته ریان قارشیلقلره نظر آکندی لر بنی ممتاز آلا جقلی موقعنده کورمکده ، سیان و عمومی بر صورت تسویه یا ناشامقده ایدیلر . بالاخره فرانسه ایله انکلیز سندیکه لری آزه سنده ده اختلاف چیقمشدی . (هاموند) ک ریاستنده کی سندیکه فائض نسبتلرینک اولدینی کبی قالماسنی ، سرمایه نك فی اخراج مقدارینه ایندیریله سنی و مصر ویرکیسندن ماعد اولان قارشیلقلرک ، ویا بو قارشیلقلرینه اقامه ایدیله جک یکی وارداتک ، بین الملل بر قومیسونه تودیع اولونماسنی تکلیف ایتمکده ایدی . بوضورتله دیونک مقداری ۱۹۸ میلیون انکلیز لیراسندن ۱۱۹ میلیون تنزل ایده جک ، یعنی بورجک مقداری ۷۹ میلیون آزالاجقدی ؛ فائض سنوی مقداری ده (۱۲,۳۷۶,۰۰۰) دن (۷,۰۳۲,۰۰۰) انکلیز لیراسنه دوشه جک و حکومت سنوی (۵,۳۴۴,۰۰۰) استرلین تصرف ایتش اولاجقدی . بو پروژه باب عالی یه ویرلش ، لکن اولجه فرانسه حامللرک تصویبده اقرار ایتش اولمادینی ایچون اعتراضه اوزرامشدی . ایشته (۱۸۷۶) ده برای ائتلاف استانبوله کلن هاموند بوتون مقرضاری تمثیل ایده مدیکی ایچون باب عالی ایله ده آکلاشامامش وعودته مجبور قالمشدی . دیگر بر سندیکه ده بوکا یقین تکلیفلرده بولوندینی حالده عموم اصحاب مطلوبی تمثیل ایده مدیکسندن عینی عاقبتہ معروض قالمشدی .

۱۸۷۶ - ۱۸۷۷ سترمه سیاسی و مالی وضعیت : ذاتاً (۱۸۷۶) سنه سنک ابتداسنده

باب عالی ده داینلرله آکلاشاجق بر سکینته مالک مالک ده کیلدی . هر سک عصائی بوسنه یه سرایت ایتش و صرب ، قره داغ محاربانی آرتق بر کون مسئله سی حالته کلشدی . استانبوله حربیه مانع اولق ایچین بوتون دول معظمه نك اشتراک ایتدکلی مهم مذاکرات سیاسیہ جریان ایتمکده ایدی . بومذا کرات ائناسنده باب عالینک بورجلر مسئله سنک حالته قولاق ویرمه سنه امکان یوقدی . بوسنه لرده دولتک مالی وضعیتی ده فنا ایدی . تعطیل تأدیات و بحران سیاسی اعتبار دواقی محو ایتش ، استقراض قاپولرینی محکم صورتده قاپامشدی . استقراضات سابقه تحویلاتنک قیمتی فنا حالده تنزل ایتشدی . آئیده کی جدول تحویلات قیمتلرینک درجه تنزلی کوسترمکه کفایت ایدر :

استقراضات	(۱۸۷۵) نصفاً تأجیل دیوندن اول فرانق	(۱۸۷۵) نصفاً تأجیل دیوندن صوکره فرانق	(۱۸۷۶) تعطیل تأدیادن صوکره فرانق
اسهام عمومیہ استقراضی	۴۴	۲۶	۱۲
• ۱۸۶۳	۳۷۳	۱۵۴	۶۳
• ۱۸۶۵	۳۲۲	۱۲۸	۶۴
• ۱۸۶۹	۲۷۵	۱۲۶	۵۵
• ۱۸۷۲	۴۳۰	۲۰۵	۹۵
• ۱۸۷۳	۲۶۰	۰	۵۴
اکرامیہ لی تحویلات	۱۲۴	۵۸	۳۳

بو وضعیت قارشیننده ، نهیاسنه اولورسه اولسون، پاره بولمه امکان یوقدی. دولته معاملات مالیه ده بولونان بوتون بانکلرک وضعیت ده، دولتک وضعیتک نتیجه سی اولارق، صوک درجه فنا برحاله دوشمشدی. بونلردن اک مقاومتلیسی ینه عثمانلی بانک سی ایدی. کرچا پارا طارلقه رغماً آره صره بانکلردن، آغیر فائضلرله، کوچوک کوچوک معاونت لر آله ایدیه یلیوردی. فقط بونلر یاره یه مرهم اولاجق درجه ده کبلدی. حکومت (۱۸۷۶) وائی تعقیب ایدن سنلر ظرفنده مجموعاً (۱۶ - میلین) لیرالق قوائم نقدیه چیقارمش و آرزمانده پاره نک قیمتی (۱۰۰۰-۱۲۰۰) راده سنده دوشمش، یعنی برلیرا بیک ایکی یوزه چیقمشدی.

(۱۸۷۶) ده وضعیت سیاسی ده وضعیت مالیه کی صوک درجه ده کرکین برحاله ایدی. وقوعات باش دوندیریحی بر صورتده یکدیگرینی تعقیب ایدیوردی. روم ایلی اصلاحاتی استهداف ایدن ودول معظمه طرفندن مشترکاً ویریلن آندراشی نوطه سی باب عالی نی تلاشه دوشورمش، بونوطه نی قبول ایتمه مکله برابر حکومت، احکام عمومی ه سنه مطاوعت وعدنده بولومشدی. عاصیلر بوکا رغماً تعطیل مخاصمات ایتمه شلردی. آرز صوکره

سلانیکده چیقان مشهور (قیزوقه سی) نده فرانسز و آلمان قونسولوسلرینک قتل بوتون دول معظمه نك علیهمزه دونمسی انتاج ایتمشدی . انکاترمه نك تشبثی اوزرینه ۱۸۷۶ کانون نایسندله طوبلانان (استانبول قونفرانس) ندن وزمان اعلانی عینی تاریخه تصادف ایدن ۹۳ قانون اساسیسندن هیچ بر آبی نتیجه حصوله کله مه مش ، قونفرانس بر قاج آی دوام ایدن مساعیدن سوکره ، بلاموقفیت ومداخله یی متضمن مقرراتی باب طایجه قبول ایدیلیرک ، داغیلیمش ، روسیه به ایستدیکی ، هرچه بادآباد ایقاع ایدیلر جکندله شهبه اولمایان ، حرب وسیله سی ویرمشدی . مملکت بر قاج آی سوکره حربک بوتون نجایمی آلتنده قالمشدی . مدحت پاشا ، حربیه تقدم ایدن آیلرده ، موقع اقتداره کلدیکی زمان تعطیل تأدیاتک آوروپاده حصوله کتیردیکی قناعاتکساتی تخفیفه وسیله اولمق اوزره (۶ شرین اول ۱۸۷۵) تاریخلی تأجیل دیون اراده سی ابطال ایتمشدی . پاشانک جالیشدینی تمایله علیهمزه دونمش اولان اوروپا افکار عمومیه سی اوزرینه تأثیر ایدرک حرب زماننده دولتک محتاج اولدینی توجه معنوی یی بر درجه به قدر اولسون تأمین ایتمکدی . عین زمانده بوسایه ده ، کندی منافعی ایجابی اولارق ، روس سیاسته مخالف بولونان انکاترمه ده ، یکی بر استقراض عقدی ایچین بر زمین احضار ایده بیلمک کی بر امیدده مندیجی . زیرا حربیه حاضر لانتق و بونی اداره ایتک ایچین باره یه اولان احتیاج هر زماندن داها شدیددی . قائمه ایله حرب مصارفی تأدیه به امکان یوقدی . اعلان حربدن سوکره موقع اقتداره کله ن ادهم باشاده عینی سیاستی تعقیب ایتمشدی . لکن یکی بر استقراض ایچین غایت صاعلام ، صلابتندن هیچ بر صورتله شهبه ایدیلر یه جک ، بر قارشولق بولمق لازم کلیوردی . مقررلرک تخصیص ایدیلر جک اولان وارداته همه حال صاحب اولاجق لرینه امین اولمادجیه باره ویرمیه جک لری طبعی ایدی . اوزمانکی شرائط داخلنده اک صاعلام قارشولق ، ألمز کچمه دن داینلره تأدیه ایدیلر یه جک اولان مصر ویرکیسی ایدی . بوا یسه (۱۸۵۴) وقسماً (۱۸۵۵) و (۱۸۷۱) استقراضلرینه قارشولق اتخاذ ایدلششدی . تعطیل تأدیاتندن سوکره ده خدیو بونی بر موجب مقاوله انکاترمه بانکسینه تسلیم ایدیوردی . فقط [۱۸۷۵] تأجیل قانونی بو استقراضده شامل اولدیغندن ، بانک بوبارمیه تحویلاته توزیع ایتک ایچین انکاترمه ده کی سفیر مزدن اقتضا ایدن اعطا و تأدیه امری آلامایوردی . بونک ایچین باره بانکده تراکم ایدیور ، مقررلره تأدیه اولونامایوردی . مقررلر ایسه قرار نامه نك امر ایتدیکی نصفاً تأدیه اساسی قبول ایتیه یورلر وقوبونلرک تمامی ایسته یورلردی .

ايشته بومسئله يى حل ايدىدرك بر طرفدن انكلىز لرك توجهنى جلبه چالشمق وعينى زمانده بعض مرتبه تصرفات ايله بوارداك بر قسمى آچيقده بير افاق فضلە يى كى بر استقراضه قارشىلىق طومتق مقصديله ۱۸۷۷ سنه سنده ماليه مستشارى زهدى پاشا انكلىز يه كوندريلمش وبراكى آى مذاكره دن صوكره بومسئله نك شرائط آتیه داخلده حلتە امكان حاصل اولارق يىكى بر استقراض مقاوله سى امضا ايدىلشدر . تعطيل تأديات دوره انتقالیه سنده عقد ايدىلەن يكانه منظم استقراض بودر .

۱۶ : ۱۸۷۷ مدافع حقوق عثمانیه استقراضى [۱] - بواستقراض مقاوله سى موجبنجه (۱۸۵۴) استقراضك فائض نەبى يوزده (۶) دن يوزده (۵) . و آمور ييسان يوزده (۱) دن يوزده (۱) يه تنزىل ايدىلشكده ايدى ؛ ۱۸۷۱ استقراضك فائضى ده (۴,۵٪) اينديريلمش آمور ييسانك (۱۸۵۴) استقراضك اطفاسندن صوكره باشلامسى قبول ايدىلشدى . بوضورتله بواستقراضل مرتبأتى ايله (۱۸۵۵) استقراضى ايچين تخصيص ايدىلش اولان جزئى قسم تنزىل ايدلد كدن صوكره مصر ويركوسى واردانندن سنوى (۲۸۰ بىك) انكلىز ليرالاق بر تصرف تأمين ايدىلش وبوده (۱۲۵ - مليون) فرائق مقدارنده اولان يىكى استقراضه قارشىلىق طوتولاش اوليوردى . يىكى بر مقاوله ايله خديو ، بوفضلە يى ده مصر ويركوسيله تأمين ايدىلن ديكر استقراضات مرتبأتى ايله برلكده انكلىز يه باقە سەنه ويرمكى تعهد ايتىلشكده ايدى ؛ بواستلاف حصوله كلد كدن صوكره باقە ده تراكم ايتىش اولان پاره ، اسكى مقاوله شرائطى دائره سنده ، بلا توقيفات وتنزيلات همان حاملره توزيع اولونمشدى .

استقراض تاريخمزرده ، توركجه مدافع حقوق عثمانیه وانكلىزجه Défense Loan نامى ويريان بواستقراض تحويلاتى ، پيا سە يە ، عثمانلى باقە سە يله بعض انكلىز اولرندن مركب برسنديقه طرفندن اخراج اولونمشدى . بوتون شرائط تأمينيه رغماً و مصر - انكلىز يه وضعيت سياسيه بناء قارشىلىقكده همه حال تحصيل اولنه جفنده ذره قادار شه موجود اولمادىغى حالده ، روس محاربه سى ايچنده بلونە نك سقوطندن صوكره اخراج ايدىلن بواستقراض ، تماماً بر عدم موفقيته معروض قالمش ، انكلىز يه كيمسه بوكا يازلاماش ، آنجق هندستانده (۵ - ۱۰) بىك ليرا كى خفف بر مقدار قيد ايدىلە يلمشدر . عثمانلى باقە سى بوضيعت

[۱] باشه قونيلان ۱۶ رقى ، بواستقراضك ، چكن نسخده صيره ايله تدقيق ايدىلش اولان اون يش استقراضى تعقيباً عقد ايدىلن اون آلتىجى بر استقراض اولديغى كوسترمك ايجوندور .

قارشیدسندده موقت بر آوانسده بولونمش واستقراض تحویلاتی ایرتبی سینه حکومتدن یوزبی الی ایکی یه مقطوعاً صانون آلمشدر . بوصورتله فائض حقیقی نسبتی (۹,۶٪) یه بالغ اولمش اولوبوردی .

۱۸۷۸ ده وضعیت سیاسی و مالی و براین معاهده سی — (۱۸۷۸) ده ، روس حرنسک فرداسنده ، دولت ، وضعیت سیاسی و مالی جه ، تاریخک الک فنا دورلرندن بریو یاشایوردی . مغلوبیت روم ایلی یی خرابه زاره چه ویرمش ، هر طرف مهاجرلر واردواقاضی ایله دولمش ، سفالت عمومیه حد اعظمی یه واصل اولمش ، قحط و غلاباش کوسترمشدی . خزینه طام طاقیر بر حالده ایدی . صـوـک استقراضک دوچار اولدینی موفقیتسزک یکی بر استقراض عقدینی تصور ایتمک بیله مانعدی . مالیه ، عاجل احتیاجاته باشده عثمانلی بانقه سی اولق اوزره استانبول بانقه لرندن آلدینی اوفاق تفک آوانسـلـرله قارشـی دورایـلـبـوردی

بو وضعیت مالی ده استقراضات حامللرینک آلاجقـلـری ده بویوک تهسکـیه معروضدی . آیـاسـتـفـانـوس معاهده سی روم ایـلـنـک الک معمور ، الک وارداتلی بعض ولایتلری المزندن آلدینی کی دولت عهد سینه (۳۵,۳۰۰,۰۰۰) لیرا کی مهم بر تضمینات حربیه ویرمک مجبو یقی ده تحمیل اتمشدی . بوجبوریت دیون خارجیه حامللرینک قلبنه ، کندی آلاجقـلـری حـقـقـده ، پـک بویوک براندیشه القا ایدیوردی . باشده انکلتزه اولق اوزره بالقانلرده روس نفوذینک توسعندن اندیشه ایدن دیگر دولترک مداخله سیله ، آیاستفانوس معاهده سنک تعدیلی ایچین ، (۱۸۷۸) تاریخنده برلین قونفره سی انعقاد ایدنجه ، اوزمانه قادار بزمله آکلاشمق خصوصنده آرالرنده بردرلو اویوشامایان داینلر ، قونفره ده کندی حقلرینی مدافعه ایتمک ایچون برلشمک ضرورت قطعیه سی حس اتمشلردی . برلینه کیده انکلز و فرانسر ممثللری قونفره یه برخطه ویردکلری کی استانبول بانقه لری ده بوباده آریجه برلایحه تقدیم ایتشلردی . بولایحه لرده تعقب ایدیلن مقصدلر : ۱) کندی آلاجقـلـریـنک روس تضمینات حربیه سینه تقدیم ایدیله سی ؛ ۲) عثمانلی دولتنک قابلیت تحمیل سینه ک فو قده بویوک آلتنده قالماسی ایچون ایمر طور لقدن آریلان یرلره ده دیون عمومیه دن بر حصه تقریبی ؛ ۳) عثمانلی مالیه سی اوزرینه بر مداخله اجراسیله کندی آلاجقـلـری تحت تأمین وضع ایده جک بر بلان تنظیمی ، ایدی . بو مخطره لر قونفره ده فرانسر و انکلز مرخصلری و ادینقون و سالیسبوری

طرفین مدافعه ایدیلرک حسن قبول کورمش ، مع مافیه نتیجه‌ده حاملر لهنه بعض ۲۳۱
تأییدکن باشقه برشی آله ایدیلرک مشدی .

فی الحقیقه (۱۳ حزیران ۱۸۷۸) ده بیسهارقک تحت ریاستنده طویلانان برلین
قونفره‌سی ابتدا روسیه‌نک مطالبات ارضیه‌سنه متعلق مسائل حل ایتدکن و آیاستفانوس
معاهده‌نک تعیین ایتدیکی حدودلری کری به چکدکن صوکره مسائل مالیه ایلر اوغراشمغه
باشلامشدی . مسائل مالیه صرءسند روس تضمینات حربیه‌سی اوزون اوزادی به موضوع
بحث اولمش ، لکن مقداردن زیاده بوکا قارشی تخصیص ایدیلرکک تأمینات اطرافنده
کوروشولمشدی . عثمانی مرخصی (قره‌نه‌ودوری پاشا) تورکیه‌نک رضیت مالیه‌سنی ایضاح
ایدیلرکک بولتضمینات حربیه‌نی اوده‌مکه امکان اولمادیقی و بناء علیه هیچ اولمازسه تنزلی لازم
کلدیکنی ادعایتمشده روس مرخصی ، آیاستفانوس معاهده‌سی احکامنک بوراده تکرار
موضوع بحث اولامیه‌جنی فکرند بولنمشدی . مع مافیه ۲ تموز تاریخلی پروتوقوله
روس مرخصی تضمینات حربیه‌نک هیچ بر زمان اراضی الحاقه قلب ایدیلرکک چیکی
تعهدنده بولوندیکی کبی لورد سالیسبورینک طلبی اوزرینه روسیه ، مطلوبنک هیچ بر زمان
استقراضات حاملرینک حقوق مکاتبه‌سنه و بوباید تخصیص ایدیلش اولان وارداته خلل
ایران ایدیه‌چیکی اساسی قبول ایتمشدی . بولتعهدنکک برنجیسی توسع اراضی حقنده
دولتلری وایکنجیسی ده حقوق مالیه‌لری حقنده حامللری ، تطمین ایلرکک ایچوندی . [۱]

[۱] روس تضمینات حربیه‌سی حقنده بالآخره ۲ مایس ۱۸۸۲ تاریخنده ایی دولت آراسنده
هتد ایدیلن مقاوله موجبجه بوبارنک سنوی ۳۵۰ بیک ایرا اوده‌مک شرطیلر یوز تقسیطده
تأدیه ایدیلرکی قبول ایدلش ولویه ، قسطنونی ، سیواس ، آطنه ، آنقره اعشاریلر حاب اغنام
وبرکیسی قارشولق کوسته‌رلشدی . (۱۹۰۸ - ۱۳۲۴) تاریخنه قادار (۲۸) تقسیط اوده‌نمش
وبو تاریخنده بولغارستانک اعلان استقلال ایتمی اوزرینه ایکی مملکت آراسنده بر اختلاف سیاسی
تحت‌ایدیلرکک ایش‌نهایت تضمینات اعطاسیلر استقلالک تصدیق نقطه‌سنه دایانمشدی . بولغارستان تضمینات
وساثره اولارق ۸۲ میلیون فرانق اوده‌مکه راضی اولمقده ، عثمانی دولتی ایسه بالنهایه ، ۱۲۵
میلیون ایسته‌مکده ایدی بوندن ماعد بولغارستان بو ۸۲ میلیونی دفعه اوده‌یه‌چک بروضیتمده ده‌کیلدی .
ایشته حرب اعلان‌ه‌رمق قالمش اولدینی برآنده روسیه توسط ایتمش و تضمینات حربیه‌دن ۴۰ تقسیطک
ترکی صورته بولغارستان حسابنه بورجی اوده‌مشد . بولکیفیت ، آلاچقرک (۵٪) قاض ایلر
برابر مؤجله استیفاسی دیمکدی . یعنی ترک ایدیلر تقبیلر هر سنه ایچین (۵٪) تنزیلده ۵۰۰
اولارق ۱۲۵ میلیون فرانقه تقابل ایتکده ایدی . ونه‌کم حکومت عینی سنه‌ده (۱۹۰۹) روس
استقراضاتی قارشیاقلرینی تخصیص صورته (۴٪) قاض و (۸۵) فی اخراجلی ۱۵۹ میلیون

عثمانی حکومتی طرفندن استقراضات حامللرینک تأمیننه کانهجه : بومسئله موضوع بحث اولدینی زمان ایثالیا مرخصی بارون دوکورتی شو یولده بر تکلیفده بولونمشدی : برلین قونفره سنده مرخصی اولان دولتلر حکومت متبوعه لری طرفندن تعیین اولونان ارباب وقوفدن مرکب برمالیه جمعیتنک درسعادته اجتماعی وتحویلات عثمانیه مطالباتنک تدقیقه تأمین مطلوبلری کافل الک مؤثر تدابیری اتخاذ خصوصنک بوانجمنه حاله سفی باب عالی یه توصیه ایده رلر . بویاناته قارشى قره ته اودوری پاشا ، حکومتنک مالی مسئلهنک حلنه اعتنا ایده جکی ، ووضیق اصلاح ایچون آلدن کن هرشیئی یایمق کندی وظیفه سی ومنافی ایجاباتندن بولوندیغی ، وشمدی یه قدر طرز حرکت ده بونی کوستردیکی ومعافیله تکلیفی بیان ایدیان شکله قبول ایده میه جکی ، ائتلافک شرائط وزمان حصولی تعیین ایده مه مکله برابر حال حاضرده داینلرله حکومتنک بر صورت تسویه آرامقده بولونقلری ، عثمانی حکومتنک امکان مالی دائره سنده بونلری نمون ایتمکک چالیشه جفی ، جوابی وبرمشدی .

بوکا رغماً دیگر مرخصلرک التحاقیله قونفره جه ایثالیان مرخصنک تکلیفنک بر وتوقوله (۱۱ تموز نارنجلی) درجی قبول ایدیلشدر . لکن بویانانک بر تکلیف ماهیتی تجاوز ایده مدیکی آشکاردر . بوسورتله دولتلر عثمانی حکومتنه اوزمانه قادر غیر رسمی صورته متعدد کره لر در میان ایدیلوب رد جوابنه معروض قالمش اولان بر تکلیفی بر کره داها رسماً تکرار ایتمش اولمقدن باشقه بر شی یا پاشا مشلر و حکومت عثمانیه ده بونی هر دفعه سنده اولدینی کبی ، کمال شدتله رد ایلهمشدر . بونکلیفدن وآلان جوابدن حامللر لهنه استحصال ایدیلن یکنانه نتیجه حکومتنک امکان مالی دائره سنده حامللری نمون ایتمکک چالیشا جفی نقطه سی ایدی .

فرائق بر استقراض عقد ایلهمش وبو استقراضدن آله ۵۰ میلیون لیرا ، یعنی تقریباً ۱۲۵ میلیون فرانک کچمشدر . بولفارستانه کانهجه : روسیه اوندن خفیف قاض و وعده لی تأدیات ایله آنجق ۸۲ میلیون فرائق آلمش و بوسورتله کندیسنه بر ولی نعمتک ایتمشدر . تضمیناتک بقیه سی (۱۹۴۸) سنه سنده یعنی ۴۰ سنه صوکره تأدییه ایدلمکک باشلانه جقدی . لکن مدافعه ملیه حربی ائناسنده سوویه تئر ایله عقد ایتدیکنز آنقره معاهده سیله حکومت یی روسیه یی تضمیناتدن تمامیه فراغت ایتدیرمکک موفق اولمشدر . [۱۶ مارت ۱۳۳۷ تاریخی مخاذنت معاهده نامه سنک ۶ نجی ماده سی : طرفین متعاقدين ایبی مملکت آراسنده شیمدی یه قدر عقد اوانان بالجله معاهداتک کندی منافع متقابلله تطابق ایتهدیکنی تصدیق ایدرلر . بناء علیه اشبو معاهداتک کآن لم یکن ومنفخ اولدینی خصوصنده متعاقدين متحددرلر . روسیه شورالری سوسیالیست فده راتیف جمهوری حکومتی تورکیه ایله چار حکومتی آراسنده اولجه منعقد بین الملل سنداته استند مالی وسائر هر نوع تعهداتدن کندیسنه قارشى تورکیه نک بری اولدینی بالخاصه بیان ایدر]

دوغرودن دوغرویه برلین معاهده سنه دیون عمومییه متعلق قوانین احکام، عثمانی حکومتدن اراضی آلان دولتره دیون عمومیّه عثمانیّه دن اقلاری اراضی ایله متناسب بر حصه تفریق ایدیه جکی، استانبوله بولونان دول معظمه مثلترینک باب عالی ایله بالاشتلاف بونک مقداری صورت عادلانه تعیین ایدیه جکری، روم ایلی شرقی ولایتی وارداتندن برقسمنک دیون عمومیّه عثمانیه نك تاریخ سنه تخصیص اولونه جفی حقننده کی ماده لر دره. لکن بوبابده هیچ بر قوه تأییدیه وضع ایدیه دیکندن، آئیده کوریه جکی وجهله، مذکور دولتر حصه سنه دیون عمومیّه دن هیچ بر شی تفریق اولونامامش بوتون بورج دوات عثمانیه عهده سنه قالمشدر.

برلین معاهده سنه صوکره کی وضعیت : خلاصه داینلرک برلین معاهده سنه الدم ایتدکلی نتیجه مهم بر طاقم مواعیددن عبارت قالمش وکندیله ده بوبابده سقوط خیاله اوغرا مشلدر. مسئله نك حلی ایچون بونلرکینه آرلرنده اتحاد ایدیه رک دوغرودن دوغرویه باب عالی ایله آکلاشمقه جالیشمانی لازم کلیوردی. لکن قولقره اثناسنده حقوقی مدافعه ایچون متجدد حرکت ایتمقی بیان داینلر معاهده نك عقدندن صوکره یته اختلافه دوشمشلر وبردلو اویشامامشدر. باب عالی بین المللی بر مداخله میدان ویرمه نك اندیشه سیله، داینلرک برای اشتلاف استانبوله وردوینه انظارآ، مسئله نك حایله اوغرا شاجق بر قومیسون تشکیل ایتمش فقط بونک صلاحیت و وظائفی ده تحدید ایله مشدر. بر قومیسون صدر سابق خیرالدین پاشا، حسن فهمی، اوخانس والله ویردی افندیله غایطه بانکرلرندن عثمانی بانکسی نامنه موسیو فورستر Forster ایله قره دی لیونه بانکسی مدیری موسیو مارسه Marcet دن مرکب دی. انکاتره وفرانسز دائلر وکیلاری ده ورودلرنده بونلره التحاق ایدیه جکدی. قومیسونک وظائفی بر بودجه تنظیمی، مالیه نك اصلاحی ایچین باب عالی یه تقدیم واراده سنیه به عرض ایدیه جک بر پروژه وجوده کتیرا سی، دیون عمومیّه فائضلرینه تخصیص ایدیه جک واردات کیفیت و مقدار یزک تعیین کی خصوصلره منحصر دی. بر قومیسون ایضای وظیفه به باشلادینی حالده داینلر آرلرنده آکلاشامامقده دوام ایتدکارندن حکومتک اوکنه بوتون داینلرک تکلیفاتی عرض وعمومی مدافعه ایدیه جک بر هیئت جیقماماش، آنجق مختلف سندیکلر نامنه بعض تکلیفلر درمیان ایدامشدر.

توقویل پروژه سی : بوتکلیفانک اک مشهوری توقویل - Tocqueville پروژه سی نامی

آئنده معروفدره (۱۸۷۸) نهایتند برانکلیز - فرانسر سندیقہ سی نامہ کلن بودات ایلہ باب عالی آراسندہ دیون عمومیک توجیدی و عبقی زماندہ ۲۰۰ میلیون فرانلق بر استقراض جدید عقدی اساسنہ مستند بر پروژہ وجودہ کتیریلشدی . مصر ویرکیسی ایلہ تأمین ایدیان استقراضلر خارج اولق اوزرہ ، دیون عمومیک مقداری تنقیص اولونیور و جملہ سی (۵٪) فائضی بر استقراض حالندہ توجید ایدیلوردی . مرتبہ قارشیلق اولق اوزرہ بعضی بالواسطہ ویرکیلرہ کمرک وارداتی و عثمانلی دولندن اراضی آلان دولترک دیون عمومیک حصہ لری کوستریلوردی . مع مافیہ بودجه مک وارداتی ۱۴ میلیون لیرایی بولونجهیه قدر فائضلردن بر ثلثک تنزلی قبول ایدیلوردی . بودجه ۱۶ میلیونی تجاوز ایتدیکی زمان (۲۵٪) دن باشلامق وحداعظمی (۱٪) . قادار کیتمک اوزرہ آمورتیسمان اجرایی ده مقرر دی . وارداتک جبایتی ایکیمی عثمانلی ، ایکیمی فرانسر و ایکیمی انکلیز حکومتی طرفندن منتخب و جملہ مک مأموریتی باارادہ سنیه تصدیق ایدیلن بر قومیسیونہ تودیع اولونه حق و ریاست عثمانلی مرخصنہ عائد اولاجقدی .

بو پروژہ بر جوق اعتراضاتہ اوغرامشدر . اولا باشده عثمانلی بانکہ سی اولق اوزرہ بر جوق سندیقہ لر بونی قبولہ یاناشمامشدی . ثانیاً روسیه یکی بر استقراضک کندی منافعی اخلال ایدہ جکی ادعا ایدیوردی . ثالثاً یکی بر استقراض عقدی امکان داخلندہ کورولہ - یوردی . رابعاً باب عالینک تصدیق ایلہ تشکل ایدہ جک قومیسیون کافی درجه ده تأمیناتی حازعد ایدیلہ یوردی . نهایت اون درت میلیون لیرا وارداتہ قارشی مصارف (۱۸) میلیون تخمین ایدیللمکده اولدیغندن بو پروژہ مک تطبیقی ایچون مقتضی دورت میلیون لیرادہ بوکا علاوہ ایدیلدیکی تقدیرده آجیفک ۸ میلیون لیرایہ چیقاجنی آ کلاشیلیمقدہ و بو وضعیت قارشوسندہ خارجی بورجلرہ کمرک وارداتی کی اک صاعلام بر منبعک تخصیصی حالندہ احتیاجات داخلینک تأمین ممکن اولامیه جنی دوشونیلیمکده ایدی . بوتون بواسبابہ بناء بو پروژہ تطبیق ایدیلہ میهرک عینی سنہ ایچندہ ترک ایدیلدی . بونی متعدد پروژہ لر داهالہ تعیب ایتدی . بونلرک بردانہ سی عثمانلی بانکہ سی ، ایکنجیسی قرہ دی فونسیہ ، اوچونجیسی قونتوارده - قونت طرفندن ویریلشدی . قرہ دی فونسیہ پروژہ سی توقویل پروژہ سنہ یاقیندی . عثمانلی بانکہ سنک کی دیون داخلینی تحکیم اساسنہ مستنددی . اوچونجیسی ده دیونک تنقیص مقداری و بین المللی بر قومیسیون تشکیلی فکرنی تعقیب ایدیوردی . بونلرک هیچ بریسی منتج موفقیت اولامامشدر .

رسمہ قرارنامہ سی : بوننگہ برابر حکومت شایان قبول بر اثلافه واصل اولانی
آرژو ایدیوردی . چونکہ بویوک اضطرابات مالیه ایچندہ ایدی . پارہ بولاق ایچین
اک انی وارداتی اولان کرکری، کوچوک آوانسلر مقابله، غلطہ بانکرلرینہ تأمینات اولہ رق
کوستہ رمش اولدیغندن بو وارداتہ قاروشمغه احتیاجی واردی . دیگر طرفدن
اجنبی دایتلرہ امنیت تلقین ایدہ رک قرہ دیسی تعمیر ایتک ایستہ یوردی . ایستہ
یواسبابہ بناءً (۱۸۷۹) تاریخندہ ، ابتدا غلطہ بانکرلریلہ بر مقاولہ عقد ایدیلہ رک
رسوم ستہ اداره سی قامی آلتندہ بر اداره تأسیسی چہتنہ کیدیلشدر . بواثلافنامہ
سعيد پاشا طرفدن اون سنہ مدتلہ عقدايدیش، مع مافیہ مقاولہ نک بر مادہ سندہ بانکرلرہ
آلاجقربی تماماً تسویہ ایتک ویا حامللرک منافعہ داها مساعد بر مقاولہ عقد ایلمک
شرطیلہ اشبو اثلافنامہ یی فسخ ایتک حق محافظہ اولونمشدی . بواثلافنامہ ایلمہ غلطہ
بانکرلری امتیازی بر موقعہ قوشش اولویوردی . غلطہ بانکرلرینہ اولان بورجلرک
یکونی (۸,۷۵۵,۰۰۰) لیرا ایدی . بونک اوچ ربی عثمانلی بانکہ سنہ عائد ایدی . بناءً علیہ
بواثلاف اک زیادہ عثمانلی بانکہ سنک نفعنہ ایدی . دولت بواثلافنامہ موجبہ تشکل
ایدہ جک اولان اداره ی، اسمک دہ کوستردیکی وجہلہ، آلتی رسم تخصیص ایتکدہ ایدی .
بونلر دہ (۱) مسکرات ، (۲) پول ، (۳) استانبول و ملحقاتی صیدماهی رسومی (۴) استانبول
ملحقاتی ، ادرنہ ، صامسون ، بروسه حربر عشری ، (۵) طوز ، (۶) توتون انحصاری
ایدی . تشکل ایدہ جک اداره ، هیچ بر تأمینات و مسئولیت مقابله و المفسزین بو وارداتی دولت
حسابنہ ، مصرفی وارداتدن تنزیل ایدیلک شرطیلہ ، جبايت ایتکی تعہد ایدیوردی . وارداتدن
اول امر دہ غلطہ بانکرلرینک مطلوباتنہ عائد مرتبات تسویہ ایدیلہ جکدی . (۸,۷۵۵,۰۰۰)
لیرا بالغ اولان بورجلک مرتبات سنویہ سنک مقداری (۱,۱۰۰,۰۰۰) لیرا ایدی . بوندن
فضله سی دیون خارجیہ به تخصیص اولونہ جقدی .

لکن حکومت بالکیز داخلی بورجلری دہ کیل ، عینی زماندہ استعراض خارجی
حامللری دہ دوشونک مجبوریتندہ ایدی . بوکابناء رسوم ستہ مقاولہ سی عقد ایدر ایتمز
(۱۰ تشرین اول ۱۸۹۶) تاریخی بر قرارنامہ اصدار ایتش و بوننگہ وارداتک مساعده سی
قبتندہ داخلی و خارجی بورجلرک تأدیاتنہ باشلانہ جغفی و بوخصوصہ (۱,۳۵۰,۰۰۰) لیرا
تخصیص ایدلہ یکنی بیایدیرمشدی . بو تخصیصات ایلمہ ہر اوچ ایدہ بر قوپونلرک فائضی
وبریلہ جک و تأدیاتہ (۱۸۸۰) سنہ سی حزرانندہ باشلانہ جقدی . قرارنامہ نک مدتی

اون سنه اولوب بونده مقرضلرک حقوقی تأیید اولونمقده ایدی . اشیبو قرارنامهده موضوع بحث اولان (۱,۳۵۰,۰۰۰) لیرا آتیده کی منابعدن حصوله کله جکدی :

(۱) رسوم سته اداره سنه ترک ایدیلان واردات ،

(۲) قبریس وروم ایلی شرقی ویرکیلری .

بونلرک عدم کفایه سی حالنده نقصانی آتیده کی منابع واردات ایله اکمال ایدیله جکدی :

(۱) بولغارستان پرنسلیکی ویرکیسی و صربستان ، بولغارستان و قره داغ دیون

عمومیه حصه سی اولارق ویره جکلری مبالغ ،

(۲) یکی احداث ایدیله جک ویرکیلرک حاصل صافیسنتک ثلثی ،

(۳) تمتع ویرکیسی مقامنه اقامه ایدیله جک پاتانت رسمنک ویره جکی فضله -

واردات [۱]

(۴) تجارت معاهداتنک تجدیدن حاصل اولاجق کمرک فضله وارداتنک ثلثی [۲]

مع مافیہ یوقاریده سویله دیکمز کی واردات سته دن اولاغلطه بانکر لرینک (۱,۱۰۰,۰۰۰)

لیرا اولارق تثبیت ایدلمش اولان مرتبات سنویه لری تسویه ایدیله جک و رسوم سته

وارداتنک (۱,۳۵۰,۰۰۰) لیرایه قدر اولان قسم متباقیسی ایله دیگر واردات، مرتبات

خارجیه نک تسویه سنه حصر و تخصیص اولونا جقدی . قرارنامه ده بومرتباتک مختلف

استقرضات اوزرینه نه صورتله توزیع و تقسیم اولونا جقنک بر نظامنامه ایله تعیین ایدیله جکی

ذکر و تصریح ایدلمشدی .

رسوم سته ائتلافنامه سی و اوکا مسستند اولان قرارنامه ایله حکومت دیون عمومیه

[۱] قایتولاسیونلرک یا کلش و حقسز بر صورتده تفسیر ایدیله سی اوزرینه تاحرب عمومییه

قادر اجانبک تمتع ویرکسندن معافیت تأمین ایتدکلری معلومدر . حکومت (۱۹) نجی عصرک نصف

اخیرنده بوحقسز معافیتی ازالیه پک چوق چالیشدی حالد دول معظمه نک نفوذ سیاسیستدن دولایی

موفق اولامامشدر . اک زیاده بزم قانونلر مرک بر باداغندن شکایت ایدیلیوردی ، بوکابتاء (۱۲۹۶) ده

بر پاتانت پروژه سی وجوده کتیرلمش و بونی تطبیق ایچون دول معظمه نک موافقتنک استحصاله

صرف مساعی ایدلمشدی . باب طلی پاتانت ویرکیسی فضله وارداتی دیون عمومییه تخصیص ایتکلر

دول معظمه نک بو باده کی مخالفتی کسره موفق اولایله جکی امید ایتلمشدی . لیکن قانونلرک فنانلی

ادعایی حقسز معافیتی ادامه ایچون بروسيله دن عبارت اولدیغندن نه بونلرک تبدیلی ونه ده فضله نک دیون

عمومییه تخصیصی تأمین مقصده کافی کلامه مشدر .

[۲] بونکلرده کمرک قایتولاسیونلرینک آتدیلکه موافقت خصوصنده اجنبیلری منفعتدار قیلدق

آرزو ایدیلیوردی .

مسئله سنک حلتہ دو عمر و قوتی بر آدیم آتش و تعطیل دیون وضعیتی الی نہایہ تمدید و بورجلری
تماماً انکار ایدہ جکی حقندہ کی بدخواہانہ شایعاتی فعلاً تکذیب ایش اولووردی . بوندن
ماعداد دیون داخلہ هیچ بر استقراض خارجی عقدینہ حاجت قالمقسزین توحید و تحکیم
ایدیلور و عینی زمانہ بو متفرق بورجلرہ قارشیلق اتخاذا ایدیش اولان کمرک کہی اک
صاعلام بر منبع رهندن تخلیص ایدیش اولیوردی . اوچنچی درجہدہ بوقرارنامہ ایلہ دیگر
استقراضاتہ ولو حزئی اولسون بر حصہ (۲۵۰ بیک ایرا) تفریق اولیور و وارداتک
فضله لئی حالتہ بونک آرتماسی امکانی کوستریلیوردی . نہایت حکومت بوضورتلہ حقیلہ
تدہش ایتدیکی وروم ایلی مسئله سنک قانغرون اولماسنہ اک بویوک بر سبب اولدیفی قناعتی
بسیلہ دیکی ، بین الملل مداخلہ فکرینی قبول ایدہ مہیہ جکفی بر کرہ دہا ضمناً اعلان
ایدیوردی .

دبرہ خارجہ حامللری ایشور و غرر . — رسوم ستہ قرارنامہ سی غلطہ بانکرلریلہ واقع
اولان ائتلاف اوزرینہ نشر اولونمش ، بوبادہ خارجی مقرضلرلہ آکلاشیلاماشدی . چونکہ
اورنامہ اولنرک منافعی ہیئت عمومیہ سیلہ مدافعہ ایدہ جک برسندیقہ یوقدی . رسوم ستہ
ائتلافیہ غلطہ بانکرلری ۹ میلیون دن اولان آلاجلری ایچین تخصیص ایدیلن وارداتک
(۱/۲) ی کہی مهم بر حصہ آلاجلری حالہ ، (۲۰۰) میلیون فضلہ اولان استقراضات
خارجہ ایچین بوارداتک آنجق (۱/۲) ی کہی بر حصہ بیراقلماشدی . بناء علیہ بو کیفیت
استقراضات خارجہ حامللری نمون ایدہ مزدی . ایلاک خوشنودسزلق تحویلاتدہ یکیدن
برتنزل قیمت ایلہ تبارز ایتشدی . استقراضات خارجہ مزک قیمت یوزی اون ایکیدن یوزی
دوقوزہ ایتشدی . دیگر طرفدن آوروپا مطبوعاتی علیہ مزہ آتش بوسکورمک دوام ایتمکدہ ایدی .
برجوقلری بوقرارنامہ یی بر کوستہ ریش مہیتندہ تاقی ایتشلرہ انکلتزدہ حامللر برلشہرک
کندی حقلرینک حمایہ سی ایچین مداخلہدہ بولونماسی (سالیسوری) دن رجا ایتشلردی .
انکلز و فرانسز سفیرلری باب عالی یی متہادیا تصدیق ایلہ نوطہ لر تودیع ایتمکدہ ایدیلرہ
(توقیلہ) برنجی پروژہ سی تعدیلاً ایکنجی بر پروژہ ایلہ استانبولہ کلش و حکومتلہ ،
کمرک وارداتک قارشیلق کوستہ ریلمہ سی و بین الملل قومیسون اساساتی اوزرینہ ، یکیدن
آکلاشمق ایتشمش ایسہدہ کندینہ جواب رد ویریلشدی .

بوتون بواعتراضات ، رسوم ستہ ادارہ سنک تشکلی منع ایدہ ۱۰۰۰ مشدی . (۱۸۸۰) سنہ می کانون

نماینده اعتبار آمواداره فعلاً ایفای وظیفه به باشلامش وباشنه (هامیلتون لانگ (Hamilton Lang) نامنده مقتدر برمالیه بی کچمشدی . آوروپانک نظر دققی بوزمانلرده مالی مسائلدن زیاده یونانستان وقره طاغ تصحیح حدودی، ارمنستان اصلاحاتی کی سیاسی مسئله لره معطوف بولوندیغندن داخلی سندیقاه اجنبی حامللرک و دولت متبوعه لرینک اعتراضانه رغماً، جدی برخالفته معروض قالمق سزین اداره بی الله آلمش و واردات مخصوصه بی جبایته باشلامشدی . ایلک اوج آیلقی راپور (۴۶۵,۰۰۰) لیرا واردات کوستریور و بو صورتله رسوم سته نک (۱۰۵ - میلیون) دن فضله بر واردات ویره چکی تحقق ایتش اولویوردی . هامیلتون لانگ یابدینی حساباتده بوسایده منضم فائضله برابر استقراضات خارجیه حامللرینه (۶۰۰ - بیک) لیرا درجه سنده بر مبلغ قالاغینی ادعا ایدیوردی .

(۱۸۸۰) ایلولنده حکومت بر طرفدن یونانستان و صربستان تصحیح حدودیله ارمنستان اصلاحاتی ، دیگر طرفدن برلین پروتوقولنده کی مالی وعدلرک انجامازی حقنده یکیدن آتی دولت معظمه نک بر مداخله سته معروض قالمش و حکومته نمایش بحری تهدیدی متضمن بر نوطه ویریلشیدی . باب طالی (۳ تشرین ثانی - ۱۸۸۰) تاریخی جوابی نوطه سنده ، مسائل سیاسی دن صرف نظر ، دیون خارجیه مسئله سنده منصفانه بر صورت حل بولونماسی ایچین حامللری بر کره داها دعوت ایده چکی وعدنده بولونمقده و بوجه آتی بر صورت حل کوستر مکده ایدی : حکومتله حامللرک وکیلاری آراسنده ائتلاف حصوله کایر کلز . حامللر رسوم سته بی دوراً آلاچقلر و بونی کندی ناملرینه اداره و جبایات ایده چک بر بانه کوستر جمکوردی ؛ واردات سته دن ماعدا کمرک رسمک یوزده سکزدن فضله به ابلاغه موافقت ایدیلدی کی تقدیرده ، کمرک فضله وارداتی ایله پانات ویرکیسندن حصوله کله چک واردات منضمه و شرقی روم ایلی ، قبریس ، بولغارستان ویرکیلری ونه ایات واردات دولته تدریجاً حاصل اولاجق فضله نک بر قسمی دیون عمومی به قارشیلای طوتیلایق و فقط دیون غیر منظمه ایله روس تضمینات حریبه سنک تأدیه سی ده بومیانده واقع اولاجقدی . نوطه نک صوکنده شایان قید بر مدافعه واردر . حکومت بونده دیون عمومی به مسئله سنک برلین معاهده سنده بر ماده مخصوصه حالنده مندرج اولماماسنه رغماً کندی سنک بوتداییری صرف قره دیسنک اعلاسی مقصدی ایله و بویوک بر حسن نصفتله اتخاذ ایله مکده اولدینی نظر دقته عرض ایتمکده در . حکومت بونکله دیون عمومی به مسئله سنک بین الملل بر مسئله اولمادینی حقنده کی قناعتی بر کره اظهار ایتش اولویوردی .

بنوطه دن بر قاج کون سوکره باب عالی، سفراسفی، بومقرراتی حاملله تبلیغه و صلاحیت
واسعه می حائز مملکت برای ائتلاف استانبوله کونده رلمی حقنده دعوت اجراسنه مأمور
ایتش و کیفیت آریجه آتی دولتک خارجیه ناظر لرینه بیلدیریلشد. باب عالی بو پروگرام
و شکل دعوت ایله کنديسنگ دیون خارجیه مسئله سنده قبول ایتمش اولدینی اعظمی مساعدیه
کوسترمش اولوبوردی. دعوت صمیمی ایدی وینه تکرار ایدلم، اوقادار بین الملله
بر قومیسوندن توحش ایدیلوردی که نوطه ده اجنبی حاملله مملکتلرندن مرکب بر قومیسون
تعییری بیلله قوللانیلماش، اونک یرینه، وارداتک بر باقیه، یعنی هیچ بر صورتله اجنبی
مملکتلردن عبارت اولامایه حق بر شخصیت معنویه، و یریله می قبول ایدیلشدی.
باب عالینک بومستعجل دعوتنه رغماً مقرضلر بر معتاد آرالرنده قولایلقله آکلاشاماشلر
و وکیللرینی آنجق (۱۸۸۱) سنه سنک ایلولنده کوندره بیلمشلردی.

انکلیزلرک ممثلی خارجیه مستشار سابق (روبرت بورق - Roberte Bourke)
فرانسز حامللرینک و کیلی خارجیه مدیران سابقه سندن موسیو (ویلفره - Vilfray) ایدی.
بالآخره آوستریا حامللری نامنده بارون (مهیر - Mayr) آلمان حامللری نامنه موسیو
(پریمر - Primker) و ایتالیان حامللری نامنه موسیو (مرقاندی - Morcandi) بونلره
التحاق ایتمشدر.

حکومت ده ااولجه بونلره آکلاشماق اوزره سرور باشانک تحت ریاستنده منیرک
جامیجیان، و متندورف، که شهر و برترام افندیلردن مرکب بر قومیسون تشکیل
ایتمشدی. طرفین وکیللرینک تقریباً دورت آی سورن مذاکراتی نتیجه سنده (۸
کانون اول ۱۸۸۱) تاریخی مشهور نظامنامه میدان کلمشدر. بونظامنامه تاریخ هجری
ایله (۲۸ محرم ۱۲۹۹) تصادف ایتمیشی ایچون، تاریخ مالیمزده (محرم قرارنامه می)
نامی آلمشدر. محرم قرارنامه می، بعض نقصانلریله برابر، ایکی طرفک حقوق و منافع
تأمین ایدمک یوللری بولش، تعطیل تأدیت دوره می قاپامش، تاریخ استقراضاتمزده
بالنسبه ده منتظم یکی بر دور آچمشدر.

ایکینچی قسّم

محرم قرارنامه سنك احكام اساسیه سی

۱

قرارنامه سنك ماهیتی

محرم قرارنامه سی ، سرلوحه سنندن ده آکلاشیلاجنی وجهله ، « دیون عمومیه عثمانیه سنك صورت تسمویه سی حقنده تقرر ایدن مذاکرات اوزرینه تنظیم اولنان » بر نظامنامه در . بونظامنامه سنك باشنده ، علی العموم نظامات شکلنه مغایر اولارق ، بر مقدمه وارد . بو مقدمه دره حکومتک برلین قونفره سننده واونی متعاقب (۸ تشرین ثانی ۱۸۸۰) تاریخلی نوطه سننده کی وعدی و داینلره واقع اولان تبلیغات و دعوتی ذکر اولندقدن صوکره بوتیلیغانه اجابت ایدن مرخصلرک اسملریله حکومت عثمانیه طرفندن بونلرله مذاکره مأمور اولمق اوزره تشکیل اولونان قومیسینون اعضاسنك اساسی تعداد اولونمقده و نهایتنده (طرفیندن محض بولونان قومیسینون مضبوطه سنندن مستبان اولاجنی وجهله مذاکرات واقعه سنك نتیجه سی اولارق دولت علیه ایله وکیللریننده اتفاق نام حاصل اولمش اولدیفندن حکومت سنیه اشبواتفاق اساسی اوزرینه مواد آتییه قرار ویرمشد .) عباره سی بولونمقده در . بوشکلدن مقصد بر عقد اداری یعنی بر نظامنامه شکلنده تجلی ایدن بو وثیقه سنك ذوالطرفین برائتلاف نتیجه سی اولدیفنی تثبیت ایله مکدر . بو اعتبار ایله قرارنامه شکلاً بر نظامنامه حالنده اولمقده برابر ماهیه ایکی طرفلی بر مقاوله در . بومقاوله دره داینلر ، دولت لهنه اولارق ، بورجک سرمایه و مرتبات سنویه اعتباریله اولان مقداری ، دولتک قابیت مالیه سیله متناسب و معین بر حده تنزیلی ایتک تمهیدنده بولونمقده و دولت ایسه ، مقرضلر لهنه اولارق ، بوبابده کی وعدی موجبجه ، بر طاقم واردات تخصیص و بونلرک جبابتی ینه مقرضلردن مرکب و (دیون عمومیه عثمانیه مجلس اداره سی) نامی آلان بر هیئتک آله ترک و تودیع ایله مکده در : نظامنامه سنك (۱۸) و (۲۰) نجی ماده لری بومقاوله ماهیتی بر قات دها تبارز ایتدیر مکده در . (۲۰) نجی ماده ایله حکومت کندی علیه بر قوه تأییدیه ماهیتنده اولارق (حکومت سنیه مقاوله حاضره یی فسخ و تعطیل ایده جک اولورسه ، حامللر یدلرنده کی

سندات اشبو نظامنامه احكامنه توفيقاً احيا ايدلمش بولونما دجه استقراض مقاوله اصلیه سیله تعیین اولونمش اولان حقلرینی بتکرار کاملاً احراز ایدم جکلردر . (قیدینی قبول ایتدیکی کی (۱۹) نجی ماده ده) اشبو نظامنامه احكامنك صورت تفسیر واجراسنه متعلق حکومت سیه ایله مجلس بیتندم ظهور ایدم جك هر نوع اختلاف طرفیندن منصوب درت حکمك قرارینه حواله اولونما جق وبونلر دخی عندالایجاب تساوی آرای دفع ایچین دیگر بر حکم انتخاب ایدم جکلردر . حکم قراری قطعی ونا قابل استیناف اولاجقدر) دینکده در . بوماده لر بر عقد حاکمیت ایچنده ده کیل آنجق تراضی طرفین ایله وجود بولمش بر مقاوله ایچنده اخذ موقع ایدم بیله جك مواد دندر .

یوتون بو اسبابه مبنی قرارنامه نك کندیزی ده کیسه بیله اوکا اساس تشکیل ایدن اتلافات برنوع قونقورداتو مقاوله سنه شییه عدایدیه بیلیر . قونقورداتولر ناصل که افلاس وضعینه دو شمش آدام لرله اصحاب مطلوبی آراسنده براتلاف ماهیتندم ایسه محرم قرارنامه سنه اساس تشکیل ایدن اتلافات ده اوله جه تأدییه دین قابلیتی غایب ایتمش اولان دولته مقررلرینك منافعی تألیف ایدم جك بر صورت تسویه ماهیتندم در . بونکله مقررلر مزه ، آلا جقلرینی تأمینا ، مدیون دولته قارشی بعضی مساعداتده بولونما یی قبول ایتمش وبورجلی اولان دولت ده کندیلرینی تأمین ایله مکی بروظیفه بیللمش اولویور . بو اتلافاته بر عقد اداری شکافی ویرمکله حکومتك تعقیب ایتدیکی غایه بونك قطعاً بین الملل بر عقد سیاسی ماهیتندم اولمادیغنی ومنحصراً داینلر مزله باش باشه واقع اولان بر آ کلاشمه نتیجه سی اولارق یالکیز کندی اراده مزله موقع تطبیقه قونان بر نظامنامه دن عبارت بولوندیغنی کوسترمکدر .

اشبو اساسی نقطه تنبیت اولوندقدن صوکر ا شمدی قرارنامه نك متقابلاً دولت ومقررلر لهنه اولارق تنبیت ایتدیکی احکامی آیری آیری تدقیق ایتك ایجاب ایدر .

۲

دبونك سرمایه ومرتبانك تنزیلی

قرارنامه نك ایلك غایه سی دولت لهنه اولارق سرمایه وفائضلر ك تنزیلی اولدیغنی سویله مشدك . بو تنزیلات پرئسیپ اعتباریله (۱۸۸۰) سنه سنده موجود بالجله دیونمزده شاملدر . یالکیز حصص ویرکیسیله تأمین ایدیلن (۱۸۵۴) ، (۱۸۷۰) ، (۱۸۷۷) استقراضلریله انکلتزم

و فرانسه نك كفالتيله عقد ايديلن (۱۸۵۵) استقراضی بواشلاندن خارج بیراقلامشدر .
بو استقراضلرك تأمیناتی غایت قوی اولدینی و ذاتاً انکلتزه حکومتی بونلرك قارشیلغنی
مصر وقبریسدن بالذات آلمده بولوندینی ایچین بونلر حقتده آریجه بر ائتلاف عقدینه
لزوم وامکان یوقدی . [۱]

محرم قرارنامه سنك اشئی عقدنده بوبورجلرك وضعیق روجه آتی ایدی :

سرمایه مسی لیرا	مربتات لیرا	غیراز اطفا تداولده قالان سرمایه لیرا	استقراضات
۳,۱۰۰,۰۰۰	۱۰۸,۹۱۷	۱,۹۴۵,۶۶۰	استقراضی (۱۸۵۴)
۵,۵۰۰,۰۰۰	۲۷۵,۰۰۰	۴,۱۹۶,۷۲۰	» (۱۸۵۵)
۶,۲۷۰,۰۰۰	۲۵۱,۴۵۳	۵,۸۷۳,۱۴۰	» (۱۸۷۱)
۵,۵۰۰,۰۰۰	۳۰۲,۵۰۰	۵,۲۹۴,۷۴۰	» (۱۸۷۷)
۲۰,۳۷۰,۰۰۰	۹۳۷,۸۷۰	۱۷,۲۰۰,۲۶۰	یکون

مصر وقبریس ویرکیلرله تأمین اولونان استقراضاندن ماعدا روس تضمینات حربیه سی
ودیون غیرمنتظمه ده محرم قرارنامه سنه داخل دکلدر . حکومت مذاکرات اناسنده
تخصیص ایدیلن قارشیاقلرله بوبورجلر مرتباتنك ده تأمین اساسی مدافعه ایتش ایسه ده
یوجهنك علاقه دارلره قبول ایتدیرلرله سنه امکان بولوناماش ، اوزون مناقشاندن سوکره
بالضروره بونلر قرارنامه خارجنده بیراقلامشدر .

نتیجه محرم قرارنامه سی ۱۸۸۱ تاریخنده موجود اولوب بالاده ذکر ایدیلن بوجلرك
خارجنده قالان دیگر استقراضانه راجع قالمش اولویوردی . بو استقراضاندن هر برینك بونارینده

[۱] قبریسك انکیزلر طرفندن اشفاندن سوکره بر مقاوله مخصوصه ایله (۱۸۵۵) استقراضنك
مرتباته قبریس فضله وارداتی قارشیلقی طوئولش و فرانسه بو استقراض حقتده کی کفالتندن فعلاً
تبری ایدرك مرتباتك تحویه سی صرف انکلتزه راجع قالمشدر . یالکیز کفالت مقاوله سی صرف
قائضه شامل اولدیفندن انکلتزه ، قبریس ویرکیسی مقابلنده یالکیز قاض تسویه ایتکده ، بوبابده
آریجه بر آمورتیسمان یا بیلاماقده ، بوجك مقداری ده اولدینی کی قالمده در . بو اعتبار ایله بو استقراض
چوکون تماماً قاضی انکلتزه طرفندن تسویه ایدیلن مؤبد بر استقراض شکلنده در .

تداولہ موجود مقداری آئیدہ مندرج جدولک برنجی ستونندہ کوسترلش اولوب، ینہ
بوجدولدن آکلاشیلاجنی وجہلہ بونلرک یکونی (۲۱۹,۹۳۸,۵۵۹) لیرایہ و مرتبات سنویہ سی
مقداری دہ۔ مذکور جدولک ایگنجی ستونندہ کورولدیکی وجہلہ - (۱۴,۰۵۴,۵۰۷)
لیرایہ بالغ اولمقدہ ایدی۔ ایشته ائتلاف بو بورج اوزرینہ واقع اولمشدر۔

قرارنامہ ایلہ ایلک قبول اولونان جهت بورج مقدارینک و مرتباتنک تنزیلیدر :
اولا : رسوم ستہ قرارنامہ۔ ایلہ تثبیت ایدلش اولان غلطہ بانکرلری آلاجنی ،
باشہ باش فیئانہ ، (تحویلات ممتازہ) نامی آلان بر استقراض جدید تحویلاتی ایلہ
مبادلہ ایدلک صورتیلہ ، توحید ایدلمشدر۔ بناءً علیہ بو قسم بورجلر ، ینہ اسکیدی کی
- یوقاریدہ تعیین ایدلدیکی وجہلہ - (۸,۱۶۸,۹۸۶) لیرا اولارق قالمش ، یالکیز اسمی
دہ کیشمشدر۔ بوائتلاف نتیجہ سی اولارق رسوم ستہ قرارنامہ سی ، مذکور قرارنامہ دہ
موجود فسخ مادہ سندن استفادہ ایدلک صورتیلہ ، اورتادن قالدیرلش، رسوم ستہ اداره سنک
صلاحیاتی، توسیعاً ، دیون عمومیہ ویرلمشدر۔

تحویلات ممتازہ نک فائضہ کلنجہ : بونک مقداری بالائتلاف (۵٪) اولارق تقرر
ایتدیرلش و بصورتلہ رسوم ستہ اداره سنہ ویرلمکدہ اولان (۱,۱۰۰,۰۰۰) لیرالق مرتبات
سنویہ (۵۹۰,۰۰۰) لیرایہ تنزیل ایدلمشدر۔ بوسایہ دہ رسوم ستہ مرتباتندن (۵۰۰,۰۰۰) لیرادن
فضلہ بر استفادہ تأمین ایدلش اولوبوردی۔ لاکن بوتزیلاتہ مقابل، تحویلاتک اسمندن دہ
آکلاشیلاجنی وجہلہ ، بو آلاحق رسماً امتیازلی بر مطلوب حالہ قونولش اولوبوردی :
رسوم ستہ اداره سندن دیون عمومیہ دور ایدیلن آتی واردات حاصلاتندن (۵۹۰,۰۰۰)
لیرانک ، هرشیدن اول ، بوتحویلات ممتازہ مرتباتنہ حصری قبول ایدلمشدی۔ بصورتلہ
غلطہ بانکرلری دیون عمومیہ اداره سندن دہ امتیازلی داین موقعی احراز ایتش ، دہ
دوغروسی بووضعیتی محافظہ ایلمشدی۔

ثانیاً : غلطہ بانکرلرینہ اولان بورجلر خارجندہ قالب قرارنامہ یہ داخل بولونان
دیگر استقراضاتک رأس المالی، جدولک اوچنجی ستونندہ کورولدیکی وجہلہ ، تنزیلاتہ
تابع طوتولش بورجلرک یکوناً مقداری (۲۱۱) کسور میلیون لیرادن (۱۱۷,۰۸۰,۹۵۷)
لیرایہ ایندیرلمشدی۔ بوغایہ وصول ایچین اول امردہ استقراضک سرمایہ سنک فی اخراج
ایلہ متناسب بر حدہ ایندیرلمہ سی اساسی قبول ایدلمشدر : دولت یوز غروش بر بورجہ
مقابل آتہ (۷۰,۶۰,۵۰) کی مبالغ ایشدی۔ بناءً علیہ عدم استطاعت حسیلہ یا پیلمہ سی

لازم کلان تنزیلاتده بوقی اخراجك اساس اتخاذ ایدلمه سی، یعنی دولتک بالفعل آلمش اولدیغی مبلغ قدر بورجلاندیرلماسی، غایت طبیعی و معقول کورولمشدی. لکن (۱۸۷۵) سنه سنده نصف فائض اولارق ویرلمش اولان رمضان تحویلاتیه (۱۸۷۵-۱۸۸۱) دورمه سنك متداخل فائضلری ده نظر دفته آلمق لازم کلدیکندن بونلره تقابل ایتک اوزره هراستقراضك فی اخراجنه (۱۰٪) علاوه سی تنسیب ایدلمش، بوصوله هراستقراضك یکونی آتیده کی جدولك دردنجی سئوننده کورولن مقدارلره بالغ اولمشدی. بونلرک یکونی بروجه بالا [۱۱۷,۰۸۰,۹۵۷] لیرایدی. بوسایده رمضان تحویلاتیه تراکم فائضلر رأس الماله قلب اولونمش مسئله کسدرمه طریق ایله حل ایدلمشدی.

قرارنامه نك (۴-۶) نجی ماده لری موجبجه اسکی تحویلات مختلف آوروپا پیاسه لریله استانبولده تعیین ایدیله جك اولان بانقه لره تودیع اولنه جق و بانقه لر بونلری دیون عمومیه اداره سنجه موقع تداوله قونولاجق اولان یکی ویشریوز فرائق قیمتده کی تحویلات ایله مبادله ایده جکدر. هرکسك الذمه کی قیمتک بدلی فی اخراجنه کوره حساب ایدیله جك و بونک (۱۰٪) علاوه سندن صوکره هریش یوز فرائق ایچین یکی برتحویل ویریه جکدر. قالات کسورات ایچین برکسورات سندی اعطا اولنه جق و بونلرده بش یوز فرائقه بالغ اولونجه یکی بر تحویل ایله مبادله ایدیله جکدر. اشبومسئله (۱۸۸۵) تاریخنه قادار دوام اتمش و قرارنامه یه داخل مختلف تپیده کی استقرارلر مزبوصورتله یکانه برتیب حالدیه برلشدیرلمشدی. بونلرک هیئت مجموعیه سی (۴,۶۱۱,۲۸۹) عدد تحویله بالغ اولمشدی. بومعامله ایچین مراجعت مدتی (۱۸۸۵) شباطنه قاداردی. بومدت ظرفنده ابراز ایدیله یین تحویلات عتیقه نك دولت لهنه مرور زمانه اوغرایاجنی (۵) نجی ماده ایله قبول ایدلمشدی. بوتاریخه قادار ابراز ایدیله یین تحویلات عتیقه دن یکی تحویل قیمتیه مجموعاً (۹۴۵,۸۴۹) لیرالق بر استفاده حاصل اولدیغندن دولت لهنه اولارق بومقدار بورجدن تنزیل ایدلمش و تحویلات ممتازه خارجنده کی دیون : (۱۱۷,۰۸۰,۹۵۷ - ۹۴۵,۸۴۹ = ۱۱۶,۱۳۵,۰۶۳) لیرا اولارق قالمشدی.

فائض و آمورتیسمانه کلنجه : اول امرده آتیده ذکر ایدیله جك اولان واردات مخصوصه حاصلاتنك (۴/۵) ینك فائض و (۱/۵) ینك آمورتیسمانه حصه ایدیله جکی قبول ایدلمشدی. آمورتی ایدلمش حصه لره اصابت ایدن فائضده باشقاجه آمورتیسمان تأدیاته علاوه ایدیله جکدر. لاکن آمورتیسمان حصه سی تفریقی تحویلاته لاقول (۱٪) فائض تسویه

ایتمکه باشلادقدن سوکرا واقع اولاجقدر . بنسأ علیه واردات (۱٪) فائض تأمین
ایتمکجه آمورتیسمان ایچین تفریق یانغه محل یوقدر .

فائضك مقداری (۰.۲۵٪) دن باشلا یاجق و واردات وفا ایتمکجه ینه (۰.۲۵٪)
فاصله لرله تدریجاً $\frac{1}{4}$ ، $\frac{3}{4}$ ، ۱ ، $\frac{1}{4}$ (۱٪) نسبتلرینه وحد اعظمی اولارق (۴٪) .
قادر چیقاجقدی . فضلہ واردات فائضی یوزده بر ربع یوکسه لتمکجه کفایت ایتمدیکی زمان
آرتان مقداری ، بونتیجه حاصل اولونجه یه قدر ، بر حساب مخصوصده تراکم ایتمدیر یله جک
ومقداری وفا ایتمدیکی زمان یوزده بر ربع فوقه کچیله جکدی . بو منوال اوزره تزايد
ایده جک اولان فائض یکونی هیچ بر زمان (۴٪) ی تجاوز ایدمه من .

آمورتیسمان خصوصنده تحویلات مظهر اولدقلری تأمینات اصلیه مك درجه اهمیتنه
کوره دورت ترتیبه آیرلشردی : بونلرده (آ ، ب ، ث ، د) ترتیبلری ایدی .

برنجی ترتیده تأمیناتی الك قوی بولونان ۱۸۵۸ ، ۱۸۶۲ استقراضلری ،
ایکنجی ترتیده بالنسبه داهای ضعیف تأمیناته مالک اولان ۱۸۶۰ ، ۱۸۶۳ ، ۱۸۷۲

استقراضلری ،

اوچنجی ترتیده تأمیناتی بوندن ده ضعیف اولان ۱۸۶۵ ، ۱۸۶۹ ، ۱۸۷۳ استقراضلری ،
نهایت دودنجی ترتیده تأمینات مخصوصه سی اولمقسزین عقد ایدلش اولان اوچ سهری
اسهام عمومیه استقراضاتیه روم ایلی شمندوفر تحویلاتی داخلدی .

استقراضاتی بو صورتله سهریلره آیرمادن مقصد اطفایی تنظیم ایتمکدی : اطفایه
تخصیص ایدیله جک مبلغ (۱٪) اولدینی تقدیرده بو پاره تماماً (آ) ترتینه صرف
ایدیله جک ، بونک فضلہ سی (۱٪) یه ، قادر (ب) ترتینه ، (۳٪) . قادر (ث) ترتینه
و (۱٪) . قادر (د) ترتینه حصر ایدیله جک و بوندن ده فضلہ اولاجق اولور سه
متبایسی تحویلات آراسنده متناسباً تقسیم اولوناجقدی . (آ) ترتینک اطفاسندن سوکره
ایلك ربع (ب) یه ، ایکنجی (ث) یه ، اوچنجی (د) . کلیور ، فضلہ سی متناسباً تقسیم
اولنیوردی . (ب) نكده اطفاسندن سوکره برنجی ربع (ث) یه ، ایکنجی ربع (د) .
ویریلیور و فضلہ سی تقسیمه تابع طوتولیوردی . نهایت اوچ سهرینكده اطفاسندن سوکره
قالان فضلہ تماماً (د) سهریسنه حصر ایدیلیوردی . آمورتیسمانك یکونی هیچ بر زمان
(۱٪) دن فضلہ اولامازدی .

فائض (۱٪) اولاجق اولور سه آمورتیسمان فیاتی فی اصلینک اوچ ربعی وداها

فصله اولاجق اولورسه بونک تمامی کجه میه جکدی . شایان دقت اولان بر نقطه ده فائض و امور تیسمان بکونک مجموعاً ۵٪ ی تجاوز اتمیه جکی و فصله سنک تماماً دولته انتقال ایده جکی ایدی .

یالکیز روم ایلی شمند و فر تحویلاتی اطفا خصوصنده بوره ژیمه تابع طوتیلما مشدر . بو استقرارک قانضری دیگر بورجلرک خلافه اوله رق تماماً قطع اولونمشدر . بونک رأس المالی ، تنزیل ایدیلش مقدار یله ، عموم استقراضات میسانده (۱۳.۴۶٪) کیی بر نسبی حائر اولدیغندن واردات دن هر سه کندیسه بونسبتده بر حصه ویرایی فقط اصابت ایده جک اولان مبلک تماماً امور تیسمانه حصری قبول ایدیلشدر . بونکله برابر بالآخره پاییلان بر تفسیر قیجه سنده روم ایلی تحویلاتنک حصه سه آنجق توزیع ایدیله جک عمومی فائض حصه سی اولان ($\frac{4}{5}$) دن حصه ویرایی و وارداتک ($\frac{1}{5}$) ی امور تیسمان حصه سی اولدیغندن اکر امیه لی تحویلاتنک بو تقسیمه اشتراک اتمیه رک بونک یالکیز دیگر ترتیلرک امور تیسمانه صرفی تقرر اتمشدر .

بوندن ماعدا اکر امیه لی تحویلات حصه سه اصابت ایدن مبلغن اولان (۲۵٪) ی توقیف ایدیله رک بونکله (۱۸۷۵-۱۸۸۱) آراسنده کشیده ایدیله مش اولان قرعه لرک کشیده سی و اصابت ایدن نومرولره اکر امیه لرک (۲۰٪) سی تجاوز اتمه مک اوزره ، وارداتک مساعدیه سی نسبتنده ، متناسباً توزیعات پاییلما سی و متباقی (۷۵٪) کده مبدأ استقرارده یاپلش اولان اکر امیه پلافی موجبنجه واقع اولاجق کشیده لرده اصابت ایدن نومرولره ، وارداتک مساعدیه سی نسبتنده ، اکر امیه اعطاسی قرار نامه نک سکیزنجی ماده سی احکامنددر .

هاید بورندن اقتباس ایدیلن آتیده کی جدول محرم قرار نامه سنک تولید ایتدیکی یکی وضعیتی و دولتک محرم قرار نامه سندن سرمایه و مرئیات اعتبار یله واقع اولان استفاده سنک درجه سی واضحاً کوسترمه کفایت ایده ر .

استقراضات	[۱۸۸۱]	سرتبات	محرر قرارنامه سرتبات قبول ایندیکی بوج مقداری	محرر زمانه اوغراپان تحويلات بعد التزديل قالان نهایی بورج	سرتبات سنویه سی
	تداولده موجود سرمایه	۲	۳	۴	۵
(آ) ترتیبی (۱۸۵۸) استقراضی	۴,۰۵۳,۲۲۵	۳۸۵,۰۰۰	۳,۷۸۹,۸۴۸	۷,۸۳۱,۸۷۰	
» (۱۸۶۲)	۵,۴۰۷,۴۹۰	۷۰۴,۰۰۰	۴,۱۱۲,۴۱۱		
(ب) ترتیبی (۱۸۶۰)	۱,۸۰۸,۷۳۰	۱۵۲,۰۰۰	۱,۱۴۸,۶۲۱	۱۱,۰۴۹,۳۰۷	
» (۱۸۶۳)	۵,۶۱۸,۲۵۰	۷۰۴,۰۰۰	۴,۳۷۱,۰۵۰		
» (۱۸۷۲)	۵,۳۰۲,۲۲۰	۴۷۷,۱۹۹	۵,۷۴۵,۴۸۲		
(ث) ترتیبی (۱۸۶۵)	۴,۴۳۷,۹۵۰	۵۵۶,۹۳۰	۳,۳۱۲,۷۸۴	۳۳,۶۰۴,۱۷۶	
» (۱۸۶۹)	۲۲,۷۱۵,۰۰۰	۱,۷۱۱,۱۱۰	۱۴,۱۷۴,۱۶۰		
» (۱۸۷۳)	۲۹,۹۱۶,۴۱۴	۲,۱۳۸,۸۸۸	۱۶,۵۲۸,۸۱۸		
(د) ترتیبی (اسهام عمومی)	۹۵,۹۱۷,۰۹۶	۴,۷۹۵,۸۵۴	۴۸,۳۶۵,۲۳۵	۴۸,۰۱۷,۱۶۲	
» (اگر امیه لی تحویلات)	۳۴,۶۵۲,۶۴۰	۱,۲۳۱,۶۴۹	۱۵,۶۳۲,۵۴۸	۱۵,۶۳۲,۵۴۸	
رمضان تحویلاتی	۱,۹۳۹,۵۵۸	۹۶,۹۷۷	۱۱۷,۰۸۰,۹۵۷	۱۱۶,۱۳۵,۰۶۳	
تحويلات ممتازة (۱۸۸۱)	۸,۱۶۹,۹۸۶	۱,۱۰۰,۰۰۰	۸,۱۶۹,۹۸۶	۸,۱۶۹,۹۸۶	۵۹۰,۰۰۰
محرر قرارنامه سنه داخل استقراضات یکونی	۲۱۹,۹۳۸,۵۵۹	۱۴,۰۵۴,۵۰۷	۱۲۵,۲۵۰,۹۴۳	۱۲۴,۳۰۵,۰۴۹	۲,۰۵۳,۴۷۴
محرر قرارنامه سی خارجنده قالان بورجلر					
۱۸۵۴ استقراضی [۱۸۷۷] ده	۱,۹۲۵,۶۶۰	۱۰۸,۹۱۷		۱,۹۲۵,۶۶۰	۱۰۸,۹۱۷
تحويل ایدلش شکلیله					
(۱۸۵۵) استقراضی	۴,۱۹۶,۷۲۰	۲۷۵,۰۰۰		۴,۱۹۶,۷۲۰	۲۷۵,۰۰۰
۱۸۷۱ استقراضی [۱۸۷۷] ده	۵,۷۸۳,۱۴۰	۲۵۱,۴۵۳		۵,۷۸۳,۱۴۰	۲۵۱,۴۵۳
تحويل ایدلش شکلیله					
(۱۸۷۷) استقراضی	۵,۲۹۴,۷۴۰	۳۰۲,۵۰۰		۵,۲۹۴,۷۴۰	۳۰۲,۵۰۰
محرر قرارنامه سنه غیر داخل استقراض یکونی	۱۷,۲۰۰,۲۶۰	۹۳۷,۸۷۰		۱۷,۲۰۰,۲۶۰	۹۳۷,۸۷۰
یکون عمومی	۲۳۷,۱۳۸,۸۱۹	۱۴,۹۹۲,۳۱۷		۱۴۱,۵۰۵,۳۰۹	۲,۹۹۱,۳۴۴

اشبهو جدولك يالكىز يگونلرينه عطف ايديله جك قيصه بر نظر قرارنامهك دائره
حلتنه آلدیغی بورجلك سرمایه اعتباريله [۲۱۹,۹۳۸,۵۵۹] لیرادن [۱۲۴,۳۰۵,۰۴۹]
ایریه و مرتبات سنویه اعتباريله [۱۴,۰۵۴,۵۰۷] لیرادن - وارداتك تزايدی نسبتده قابل
تزیید اولق اوزره - ایلک سنه ایچین [۲,۰۵۳,۴۷۴] لیرایه ایندیكى کوسته ریر .
عینی مقایسه اوتارینخده قرارنامهیه داخل و غیر داخل بوتون استقراضات حقنده
یایلا جق اولورسه دیون عمومیه یگوننك [۲۳۷,۱۳۸,۸۱۹] لیرادن [۱۴۱,۵۰۵,۳۰۹]
ایریه و مرتبات یگوننك ده [۱۴,۹۹۲,۳۷۷] لیرادن [۲,۹۹۱,۳۴۴] لیرایه ایندیكى
کوریلیر . بوصورتله محرم قرارنامهسی نتیجه سنده بورجلك سرمایه اعتباريله $\frac{40}{100}$ دن
زیاده تزییل ایدلیكى و (۱۵ - میلیون) قریب اولان مرتبات سنویهك قابل تزیید
اولق اوزره تقریباً (۳ - میلیون) لیرایه ایندیلمهسی سایه سنده فائض دن ده یگونه نظر آ
تقریباً [$\frac{80}{100}$] نسبتده تزیلات یایلدیغی ظاهر اولور .

۳

استقراضات مخصوص قارشیلار

محرم قرارنامهسی اسکی استقراض مقاولانك هر برنده آری آری تخصیص ایدلش
اولان قارشیلقلری بر قلمده اورتادن قالدیرمش و نظامنامهك سکزنجی ماده سیله قرارنامهیه
داخل بالجه استقراضلر حقنده مشترک اولق اوزره بعض واردات مخصوصه ترتیب
و تخصیص ایتشدیر . دیون عمومیه ادارهسی بو وارداتی [۱۸۸۲] سنه سی ایتداسندن اعتباراً
داینلر نامه اولارق جبايته باشلامشدر . تخصیص ایدیلان واردات شونلردن عبارتدر :
I [۱۸۷۹] مقاوله سنده رسوم سه ناميله یاد اولونان آلتی ویرکی :

۱ — توتون انحصاری (سیغاره ، انقیه ، چیکنه مه توتونی ، اجنبی تنبا کوسی ، توتون ،
عشیری و کمرکی غیر داخل اولدیغی کبی انحصارک تطبیق ایدیلهدیکی ولایتلر توتون وارداتك ده
یومیانده اولمادیغی نظامنامه ده صراحة مندرجدر .

۲ — طوز انحصاری [عینی صورتله انحصارک تطبیق ایدیلهدیکی مقاولهیه مربوط
جدولده غیر مندرج ولایتلر استهلاکی خارج قالمق اوزره]

۳ — نظامنامهك تعبیر قدیم ایله ورقه صحیحه نامی ویردیکی پول وارداتی .

۴ — مسکرات رسم میریسی و رخصتی سی [کومروک رسمی خارج قالمق اوزره]

۵ — استانبول و بلاد ثلثه صید ماهی رسمی

۶ — استانبول و ملحقه نایله بروسه ، ادرنه و صامسون اییک عشری .

II بالاده کی صید ماهی رسمه و اییک عشرینه علاوه آئیده کی محلا رک بالاق رسمیه

اییک عشری :

۱ — توقاد ، قواله ، یکبیجه ، اسکچه ، دده آغاج ، صاروخان ، شیلده ده یکی کوی ،

قارتال ، کبزه ، و دارینجه حریر عشری .

۲ — یانادوس ، کلیولی ، یالووه ، مدانیه ، مکلیک ، قورشونلی ، آرمودلی ، قابوداغی ،

مرمره ، پاشالمانی ، اردک ، باندومه ، مانیاس کولی صید ماهی رسمی .

III تنباکو حاصلاتندن مالیه جه تسویه ایدیه جک مقطوع الی بیگ ایرا .

IV تجارت معاهده لرینک تعدیلی حالنده کومروک رسومنده حاصل اولاجق فضله

واردات

V پانانت نظامنامه سنک موقع تطبیقه وضعی حالنده تمتع ویرکوسنه نظراً حاصل

اولاجق فضله واردات .

VI بولغارستان ویرکیسی (اشبوویرکی برلین معاهده سی موجبجه استانبولده تشکل

ایده جک برهیئت طرفندن تعیین اولوتجهیه قادار توتون عشرندن یوز بیگ ایرا .)

VII قبریس فضله وارداتی . (اشبو واردات حکومتک ائنه کلدیکی حالده بوکامقابل

توتون اعشارینک بقیه سندن و بونکده عدم کفایه سی تقدیرنده دوشورودن دوشورویه

خرینه دن اعطا اولوتجه جق سنوی یوز اوتوز بیگ ایرا)

VIII سنوی ۲۴۰ بیگ ایرا اوله رق تعیین ایدلمش اولان روم ایلی شرقی ویرکیسی

ایله مذکور ولایت مرکزلی حاصلات صافییه سی قارشیلنی اولان سنوی سنوی بش بیگ ایرا

IX دیون عمومیه دن صربستان ، بولغارستان ، قره طاغ و یونانستان حصه لرینه اصابت

ایده جک اولان مبالغ .

بو وارداتک صورت جبات و اداره سی حقنده نظامنامه نک طقوزنجی ماده سی آئیده کی

احکامی احتوا ایتمکده در :

برنجی و ایکنجی فقره لرده تعیین ایدیلن رسومسته ایله اوچونجی فقره ده کی تنباکو

حاصلاتی نظامنامه نک نشری تاریخنده موجود قوانین و نظاماته توفیقاً تحصیل اولونور .

بونسکه برابر دیون عمومی اداره سته ، نظامات موجوده دائره سی تجاوز و تبعه عثمانیه به تسکالیف جدیده تحمیل اتمکسزین ، اشبورسوم ایله ، بولغارستان وقبریس ویرکلیری مقابلی اولارق ، دیون عمومی اداره سته عائدقالدینی مدخه ، توتون عشری حقنده بالجمله اقتضاییدن بالجمله تعدیلات و اصلاحاتی قرارلاشدیرمق صلاحیتی ویریلشدیر. نظامات موجوده دائره سی تجاوز ایده جک صورتده مقدار رسوم و اصول اداره جه اجرا اولنه جق بالجمله اصلاحات ایچین اول امرده حکومتله مجلس بیننده اتفاق حصولی لازمدر. دیگر واردات مخصوصه دخی آنجق عینی صورتله بالاتفاق تعدیل ایدیه بیلیر. حکومت بوخصوصه واقع اولاجق تکلیفاته آتی آی ظرفنده جواب ویرمک مجبوریته در.

عینی ماده طوز و توتونک بررشرکت انحصاری حالتده ایشله تیلیمه سی حقنده حکومتک مخالفتده بولونمایاجغق ومع مافیه بومقصده مبنی نشر اولنه جق تفصیلات حقنده ده اولجه اتفاق لازم کلدیکه قبول ابتدیکی کبی توتون انحصار وارداتک حکومتله دیون عمومی و قومبایا آرمسند تقسیم ایدیه جکیده تصریح اتمکده در. نهایت ینه عینی ماده ایله ، دیگر واردات قارشیلق کوستریلک شرطیله ، توتون عشری ، سکرات و صیدماهی رسومی الفا خصوصده حکومت صلاحیت ویرمکده در. کومروک ویا پاتانت رسومی فضله سنک بالآخره تنظیم ایدیه جک نظامنامه لره توفیقاً طرح و تحصیل ایدیه جکیده بوماده احکامنددر.

دیون عمومی اداره سی عقیب تشککنده برنجی وایکنجی فقره لرده ذکر ایدیلن واردات ایله تنباکو حاصلاتنه تماماً صاحب اولغه باشلامشدر.

پاتانت ویرکیسنک تطبیقی و کومروک مقاولاتک تعدیلندن حاصل اولاجق واردات فضله لرینه کلنجه : تاحرب عمومی به قدارقایدولاسیون زنجیرلرندن دهادوغروسی اجنبیلرک قایتولاسیونلری یا کلش تفسیر اتمه لرندن دولای اجنبیلر حقنده تمتع ویرکیسنک تطبیقنه امکان بولنه مادینی کبی کومروک رسومنکده ، دیگر مملکتلرده اولدینی وجهله ، تجارت مقاولاتنه مستند برترغه ایله جبات ایدیه سی ، ویا هیچ اولمازسه نسبتک تزییدی قابل اوله مامشدر. بوندن دولای وجوده کنیریلن پاتانت پروژه سی هیچ برزمان تطبیق ایدیه مه مش. کومروک رسومی آرتیریله مامش و دیون عمومی ده بوماده لر حقنده کی احکامدن هیچ بر استفاده تأمین ایله مه مشدر. آنجق [۱۹۰۶] تاریخنده روم ایلی ولایاتی اصلاحات مالیه وعدلیه سی ایچین آتی دولتک واقع اولان مداخلاتی نتیجه سنده ، ولایات نلته ده بین الملل برمالیه قومیسونی تشککل ابتدیکی زمان ، (۲۵ نیسان - ۱۹۰۷) تاریخلی بر پروتوقول ایله ،

حکومتلر ، کومروک رسمتک [۸٪] دن [۱۱٪] . ابلاغی قبول ایتشلردی .
محرم قرارنامه سینه توفیقاً بو [۳٪] فضلهتک دیون عمومیه اداره سینه عائد اولماسی
لازمدی . لاکن ایلریده کوره جکمز کیی ، [۱۹۰۳] تاریخلی توحید دیون قرارنامه سی
دیون عمومیه مخصصانده - (۲۱۵۳,۰۰۰) ایرادن صوکر - حاصل اولاجق فضلهتک
اوج ربعتک دولته عائدیتی قبول ایتدیکی و دیون عمومیه وارداتی ده بو مقداری
کچمش بولوندیغی ایچین ، بویوزده اوچک آنجق بر ربعی دیون عمومیه راجع قالمش و
بو حصه بوناریندن اعتباراً ، دیون عمومیه مأمورلرینک نظارتی آلتینده کومروکلرجه
دیون عمومیه حسابنه ، جایات ایدلمک باشلامشدر . دولته عائد اولان اوج ربعه کلنجه
عیی بر و توقول بونک روم ایلی اصلاحاتنه صرفی آمر بولوندیغی جهتله اعلان مشروطیتنه
قادر بوفضله بوخصوصه صرف ایدلمش اوندن صوکر روم ایلیده کی مداخه قالماسیله
بو بایده کی مجبوریت ده الفا ایدیلرک بو واردات دیگر دولت وارداتیه هم حال اولمشدر .
دیگر مقطوع دورت واردادن بولغارستان ویرکیسی ، براین معاهده سینه توفیقاً
استانبولده قونقرده اشتراک ایدن دولتلر ممثلاری طرفندن تعیین ایدلمک اقتضا ایدرکن دول
معظمه و بونلردن بالخاصه روسیه ، هیچ بر زمان حسن نیت کو سترمدیکندن بو ویرکینک
تخصیصه امکان بولمماش و محرم قرارنامه سی اساساً بوجهتی درپیش ایتدیکی ایچین ، دیون
عمومیه اداره سی هر سینه توتون عشری وارداتدن بر موجب قرارنامه بوزیک ایرا االمشدر .
قبریس فضله وارداتی ده انکلتزه حکومتی کندی کفالتیه عقد اولنان (۱۸۵۵) استقراضتک
مرتباته قارشیلای طوندیقندن حکومت هر سینه بر موجب قرارنامه بونقصانی واردات عمومیه سندن
تضمینه مجبور قالمش و بالآخره توتون عشری وارداتی ده تزايد ایتدیکی ایچین دیون عمومیه
اداره سی بو بایده کی صراحته استناداً بویارایی توتون عشری وارداتدن آلفه باشلامشدر .
بولغارستان ؛ صربستان ، قره طاغ ، یونانستان دیون عمومیه حصه لری ، بولغارستان
ویرکیسینده اولدینی کیی ، براین معاهده سنده کی صراحته رغماً ، هیچ بر زمان تعیین
اولونماش و بونقصانی تلافی ایچون قرارنامه ده باشقه بر واردات تخصیص ایدیلر دیکندن
دیون عمومیه اداره سی بوماده دن ده هیچ راستفاده تأمین ایلیمه مشدر . دیون عمومیه عثمانیه
دن سرمایه اعتباریه بو دولتلر حصه سینه اصابت ایدن مبالغ انکلتزه طرفندن حکومت
بونارینخلرده ویریش اولان بر نوطه ده :

صربستان ایچین : ۲,۱۰۲,۴۵۷

بولغارستان ایچین : ۹,۸۹۸,۸۶۲

قره طاغ : ۹۸,۰۹۶

یونانستان : ۲,۱۳۰,۸۷۰

لیرا اوله رق تعیین اولمیش لا کن بوحصله هر هیچ بر زمان تفریق ایدیه میه رک بوتون بورج عثمانی دولتک صیرتند قالمشدر .

نهایت مخصوص صوک واردات اولان روم ایلی شرقی ویرکیسی ، بقایای متراکه و کومروک فضله سی ایله برلکده [۱۸۷۹] ده مجموعاً ۲۶۵۰۰۰ لیرا اولارق تعیین ایدیلش [۱۸۸۲] ده روم ایلی مجلسی رای خودیله بونی ۱۸۰۰۰۰ لیرایه ایندیرمش ، بر قاج سنه مدت ده غیر منتظم اوله رق بومقدار اوزرندن آلیندقدن صوکر [۱۸۸۵] ده بولغارستانک روم ایلی شرقی بی بوس-بوتون الحاقی اوزرینه قطع ایدیلش ، [۱۸۸۷] ده تکرار دیون عمومی اداره سنک عقد ایتدیکی برائتلاف ایله [۱۵۲ - بیك] لیرا اولارق تأدیه ده دوا اولومش ، [۱۸۹۷] ده بونک ده برربی قطع اولونارق [۱۱۴ - بیك] لیرایه تنزیل ایدیلش نهایت بولغارستانک [۱۹۰۸] ده اعلان استقلالی اوزرینه بوسبوتون قطع ایدلمشدر . بالاخره حکومت بولغارستانک استقلالی تصدیق وروس تضمینات حریه سندن ، بولغارستانده اولان مطلوبات مختلفیه وروم ایلی ویرکیسه نه مقابل [۱۲۵ - میلیون] فراق محسوب ایتدیکی زمان (روس تضمینات حریه سی حقنده ... صحیفه ده کی نوطه مراجعت) [۳ تموز ۱۹۱۰ تاریخلی و محرم قرارنامه سنه مذیل بر قرارنامه ایله ، روم ایلی ویرکیسه تقابل ایدن مبالغه دیون عمومی فضله وارداتندن توقیفی اساسی قبول ایتمشدر .

خلاصه دیون عمومی اداره سنک دوغروندن درغرویه آله کلن واردات :

- ۱ - رسوم سته . ۲ - تنباکو حاصلاتی . ۳ - توتون عشنندن (۱۳۰ بیك) لیرا ۴ - نهایت فضله وارداتدن توقیف ایدیلش لازم کلن روم ایلی ویرکیسی قارشیلغندن عبارتدر .

۴

دیون عمومی اداره سنک صورت تشکی و مقرره و وظائفی

وارداتک جبابت و اداره سی واصل صافینک ، مرتبانه حصر و تخصیصی [دیون عمومی مجلس اداره سی] نامی آئنده حامللرک وکیللرندن مرکب بر مجلس اداره یه تودیع اولومشدر . بومجلس اداره نک مرکزی استانبولده اولوب نظامنامه موچه یجهدی اعضادن مرکبدر بواعضاء نظامنامه نک اون بشنجی ماده سنه توفیقاً عینی زمانده فامینک حامللریله ، بوبایده ویریلش دیگر بروکاته بباء بلچیقاً حامللری ده تمیل ایدن ، بر انکیلزداینلر وکیلی ایله بر فرانسز ، آلمان ، اوستریا ، ایتالیان و عثمانی داینلر وکیلندن نهایت تحویلات ممتازه حامللرینه

وکالت ایده جک اولان بر اعضا-ادن عبارتدر . تحویلات ممتازه ایلریده کوره جکی کبی
 (۱۹۰۶) تاریخنده دیون موحدہ ایلہ برلشدیردیکی حالده بواعضالق محافظه اولونمشدر .
 اعضالق مدتی بش سنہ اولوب تکرار انتخاب اولونمق جائزدر . نظامنامه صورت انتخابی ده
 تعیین ایتکده اولوب دوعرودن دوعرویه حامللر طرفندن انتخاب مشکلاتنه مبنی باشلیجه
 باتفه اولرندن مرکب قومیتلر ویابعضی مجلس طرفندن انتخاب اصولی قبول ایدیلمشدر .
 انگلیز دایسلر وکیلی لوندرده [اجنبی اسهام و تحویلات مجلسی (Counsel
 offereing Bonholders) واولمادینی تقدیرده انکاتره باتفه سی مدیری وینه اولامادینی تقدیرده
 سندات حامللرینک لوندرده عقد ایده جکاری مجلس عمومینک قراریلہ انتخاب اولونور .
 فعلیایده شیمدی یه قدر بوحامل بو هیئتلرک برنجیسی طرفندن انتخاب اولونمشدر .

فرانسز آلمان و آوستریا داینلر وکیللری حکومتک (۲۳- تشرین اول- ۱۸۸۰) تاریخی
 دعوتنه اجابت ایتمش اولان پارس، برلین وویانه باتفه لرندن مرکب برسندیقه طرفندن آیری
 آیری انتخاب ولدی الاقتضا هر انتخاب هر پایتختنده عقد ایدیله جک حامللر مجلس عمومیسی
 طرفندن تصدیق اولونور . بونلردن الک مهمی اولان پارس سندیقه سی باشده عثمانلی باتفه سی
 اولمق اوزره ، بانک دوپاری نه دوپه بی با ، قونوار ناسیونال ده سقونت ، سوسیته ژنه رال
 وقرمدی لیونه ، باتفه لرندن مرکبدر . لوزان معاهده سنک (۵۶) نجی ماده سی « فی مابعد دیون
 عمومیہ مجلس اداره سنده آلمان و آوستریا - مجار حامللرک مرخصلری بولونمایه جقدر . »
 قیدینی احتوا ایتدیکنندن بویکی اعضاک الیوم مجلسده موقعی قالماشدر .

ایتالیان داینلر وکیلی روما تجارت اوداسی طرفندن انتخاب وعند الاقتضا اصحاب تحویلاتک
 روماده عقد ایده جکاری مجلس عمومی طرفندن تصدیق ایدیلیر .

عثمانلی داینلر وکیلی شهرامینی طرفندن وقوع بولاجق دعوت اوزرینه استانبولده
 طوبلانا جق اولان حصه داران مجلس عمومیسی طرفندن انتخاب ایدیلیر .

مشروطیته قدار نظامنامه ک بوضرا حق تطبیق ایدیله مش و عثمانلی اعضاسی با اراده
 سنیه تعیین اولونمشدر . بوبابده صادر اولان اراده ده « موزه مدیری حمدی بکک عثمانلی
 داینلر وکلتنه انتخابنه اراده صادر اولمشدر . » کبی توحاف برفقره واردر . مشروطیتدن
 سوکره [۱۹۱۰] تاریخنده حمدی بکک وفاتی اوزرینه مالیه نظارتی قرارنامه متابعت
 آرزوسی اظهار ایدهدک صورت انتخاب حقنده (۲۵ ایلول - ۱۹۱۰) تاریخی برنظامنامه
 وجوده کتیرمشدر . بونظامنامه موجبجه (۲۵۰) لیرالق دیون موحدہ تحویلاتی ویا
 (۲۵) عدد اکرامیه لی تحویلات حاملنک بررانی حائر اولماسی و برشخصک یکرمدن زیاده

رأی کندی عهدہ سندہ جمع ایدہ مہمسی و انتخابک رأی خفی ایله اولماسی نقرر ایتمشدر .
ایلمک طورده اکثریت مطلقه وایکینجی طورده نامزدلردن برینک ثلث آرای نفی سندہ
جمع ایدہ بیلیمسی شرطیله اکثریت عادیه لازمدر . انتخاب ایدیلجهک اعضانک تورک و عثمانلی
اولماسی و تورکجه اوقویوب یازمه بیلیمسی ده مشروطدر . بونارینخدن صوکرایا پیلان
انتخابلرده هپ بواساسلره متابعت اولونمشدر .

تحويلات ممتازہ حامللرینه وکالت ایدہجک اعضا عثمانلی بانکہسی طرفندن و اولمادیفی
تقدیرده تحویلات مذکورہ حامللرینک استانبولده عقد ایدہجکلری بر مجلس عمومینک
قراریله انتخاب اولونور . فعلاً بومقامہ عثمانلی بانکہسی مدیر عمومیسی تعیین ایدیلکدهدر .
انتخابدن صوکرایا ، کیفیت ، ممالک اجنبیہده کی انتخابتده ، عثمانلی سفیرینه ، استانبولده کی
انتخاباتده مالیه نظارتہ بیلدیرلمک لازمدر . اعضالق هیج بردولت مأموریتیلہ قابل تألیف ده کیلدر .
قرارنامہ اعضانک معاشلری ده تعیین ایتکده اولوب ممالک اجنبیہدن کلهجک وکیللره
سنوی ایکیشربیک انکلیز ایراسی عثمانلی داینلر وکیلنه (۱۲۰۰) انکلیز ایراسی و تحویلات
ممتازہ حامللری وکیلنهده (۵۰۰) انکلیز ایراسی ویربلهجکی کوستلمشدر . [۱]

مجلسک ریاستی تحویلات حامللرینک اکثریتی تشکیل ایتدیکندن دولایی ایلمک بش
سنہ ظرفنده هر سنہ بالمشاوبه انکلیز و فرانسز داینلر وکیللری طرفندن اجرا ایدیلهجکی
قرارنامہده قبول ایدیلش و بوش سنہدن صوکره وضعیت اساسلی بر صورتده تبدل
ایدہجک اولورده مجلسک رئیسینی کندیسی انتخاب ایدہجکی ده تصریح اولونمشدر . بوصول
قیدہ بناءً آلمان داینلر وکیل [۱۸۹۸] ده اساسلی تبدل واقع اولدینی ادعاسیلہ رئیسک
مجلس طرفندن انتخابی ایستهمش ویا پیلان تحقیقاتده فرانسز حامللری حصہسنگ [۷۰٪]
[۴۰٪] دن [۴۵٪] ده ، باجبقا حامللری حصہسنگ [۷٪] دن [۱۸٪] ده ، آلمان
حامللری حصہسنگ [۴۵٪] دن [۱۲٪] ده ، ترفع ایتدیکنی ، بالعکس انکلیز
حامللری حصہسنگ [۲۹٪] دن [۱۱٪] ده ، وهولاندا حامللری حصہسنگ
[۷۰٪] دن [۴۵٪] ده ، عثمانلی حامللری حصہسنگ [۸٪] دن [۶۰٪] ده ،
دوشدیککی آکلاشیلمشدر . بوکا بناءً انکلیز فرانسز غروپی کیفیت توزعده هیج بر

[۱] محرم قرارنامہسندن صوکرایا عقد ایدیلش استقراضلردن دیون عمومیہ ادارهسنہ مودوع
اولانلرینک ادارهسنہ مقابل تخصیص ایدیلش اولان ٪ ۵ قومیسیندن بو اعضالره آریجه بر
تخصیصات ده ویرلیمسی بالاخره تحت قراره آلمشدر . بو تخصیصات هرر اعضا ایچین ، شهری
اولارق ۱۰-۱۱-۷۰ انکلیز ایراسیدر .

تحول اساسی اولمادیفی، فرانسز وانسکلزلرک مجموعاً ینہ اسکیمی قادر حصہ یہ صاحب اولدیغی، وحتی بلجیقالیلرک حصہ لری آرتیق اعتباریلہ اولری تمثیل ایدن انسکلز حامللرینک ینہ اسکیمی قادر تحویلات اصحابی تمثیل ایتدیگنی، بناءً علیہ صورت انتخاب محافظہ سی لازم کلدیگنی ادعا یتشملر، بالعکس آلمان و آستریا غروبى تحول اساسی موجود اولدیغی فکرنده بولونشلدی. کیفیت ایکی طرفک اختلافی ایلہ، بالآخره اسویجره رئیس جمہوری اولان موسیو آدور۔ Ador ک حکم لکنہ حوالہ اولونمش ومومی الیہ [۱۹۰۲] تاریخندہ ویردیکی حکمده هیچ بر تحول اساسی اولمادیفی نتیجہ سنہ واران بر قناعت اظهار ایتدیگنندن ریاست موقعی بر سابق منابہ انسکلز و فرانسزلر داینلر وکالتنہ راجع قالمشدر .

اعضای مجلسدن هریری بر رأی حائز اولوب، قرارلر اکثریت آرا ایلہ اعطا اولونور تساوی آرا وقوعندہ رئیسک رأی ترجیح ایدیلیر. امور ومصالحک منتظماً تمشیق ایجین استانبولده لاقول اوج اعضانک حضوری مقتضیدر. مجلسک مأموری آتجق نظامنامہنک شامل اولدیغی استقراضاتک تماماً محاسبندہ ختامہ ایرہ جکدر .

مجلس واردات مخصوصہ کی کندی مأمورلری واسطہ سیلہ، حامللرک حسابنہ اولارق تورک پارہ سیلہ جبات خصوصندہ اتخاذ مقررات ایلہ جک مصارف جبات وادارہ تماماً واردادن تنزیل ایدلکدن سوکرہ حاصلات صافیہ استقراضات فائض و آمورتیسمانہ صرف ایدیلہ جکدر. شاید وارداتک بعضلری اشخاص ثالثیہ الزام وایجار ایدیلہ جک اولورسہ مجلس بحالده حکومتہ قارشی بالذات مسؤل موقعندہ قلاجقدر .

مجلس تشکیلاتک باشنہ بر مدیر عمومی انتخاب ایدہ جک بومدر مجلسک مقررانتہ تبعاً اداره امور ایلہ جکدر. مأمورینک عزل ونصبی مجلسہ عائددر. دیون عمومیہ مأمورلری، امور مأمورلرینی ایفا نقطه نظرندن ورسوم تکالیف خصوصندہ دوات مأموریلہ بیان طویلا جقلددر. مقدما رسوم ستہ اداره سنہ مجاناً اعطا ایدیش بولنان دواتر دیون عمومیہ اداره سنہ دور اولونہ جقدر .

مجلس هر سنہ بر بودجه تنظیمنہ وسنہ ابتداسندن ایکی آی اول بونی حکومتہ تقدیمہ مجبوردر، حکومت بونی ایکی آی ظرفندہ قبول وتصدیق ودولتک عمومی بودجه سنہ ادخال ایلر. بوبودجه دن ماعدا دیون عمومیہ اداره سنک هر آی نہایتندہ مباملاتنہ داتر حکومتہ بر حساب ویرمہ سی لازم کلدیکی کبی نہایت هر آلتی آیدہ بر حامللرہ واقع اولان تأدیاتک بردفتری مالیہ یه تودیع ایتمکدو کیفیتی آریجہ تحویلاتک مقید بولوندیغی بوتون پایتخنلرده نشر

واعلانه مجبور در . نهایت مجلس اداره نك حاملر حقتده اخذ معلوماته مدار اولق اوزره . هر سنه ، اداره نك صورت جریاتی مین بر مجلس اداره مضبط سی Compt rendu نشر واعلان ایتمه سی ده نظامنامه مقتضیاتنددر .

حکومت مجلس اداره بی کندی طرفدن منتخب بر قومیسر معرفتیه مراقبه ایدهر . قومیسر رأی استشاری بی حائز اولق اوزره مجلس مذا کراننده حاضر بولوناجنی کی حکومتله مجلس آرمهنده واسطه تبلیغ وتبلغ اولاجقدر . قرارنامه ده قومیسرک معاشنك عثمانی داینلرو کیلی کی - نوی [۱۲۰۰ -] - ترلین [لیرا - سی اولاجنی تعیین ایدیلشدر . محرم قرارنامه سندن صوکره عقد ایدیلن استقرضات قومیسر سندن قومیسر ده داینلرو کیلرینه مساوی بر حصه تعیین ایدلشدی . بوندن ماعدا حکومت دیون عمومی بی مقتضای واسطه سیله تفتیش ایتدیرمك حقنی حائز اولوب بونلرک صلاحیتلرینك واسع اولاجنی بالجمله دفاتر و وثائق تفتیش ایلده جکاری لکن اداره بی مداخله ایده میه جکاری صراحتاً ذکر ایدیلشدر .

۵

محرم قرارنامه نك ۱۸۸۱ - ۱۹۰۳ دوره سنده کی تطبیقاتی

دیون عمومی اداره سی ۱۲۸۲ سنده رسوم سته اداره سندن دور آلمق اوزره موقع فعالیتیه کچمش و مرکزده وجوده کتیردیکی معظم تشکیلاتدن ماعدا ولایاتده منطقه منطقه دیون عمومی ناظر لقلری ایلله بونلره تابع مدیریتر و بومدیریترله مربوط مأموریتلر احداث اتمك صورتیه آیریمجه بویوک برطشره تشکیلاتی وجوده کتیرمشدر . مأموریتك مقداری تدریجاً [۶۰۰۰] . بالغ اولمشدر که بویکونده مأمورین موقته داخل ده کیلدر . بومأموریتك اساس وظیفه سی وارداتی جبات و بونلری استانبولده تمرکز ایتدیرمکدر . تحویلات اصحابنه واقع اولاجق تأدیات بانقلر و بونلردن بالخاصه عثمانی بانقسه سی واسطه سیله پایلمقدمه در . بوراده بووارداتك هر بریتك آیری آیری نه صورتله اداره ایدیلدیکی ، نه کی نتایج ویردیکی وهانکی قانونلره استناد ایتدیریلدیکی تدقیق ایده جك ده کیلر . بالکیز جبات اولونان وارداتك ، محرم قرارنامه سی مهم برتعذیله تابع طوتان [۱۹۰۳] توحید دیون قرارنامه سنه قدار ، نه مقدارلره بالغ اولدیغنی آکلامق اوزره آئیده کی جدولك درجی ایلله اکتفا ایلله جکیز [۱] .

(۱۹۰۳) تارىخىنە قادار ديون عمومىيە وارداتىلە مەصارىفنى

سنة مالیه	طوزە اسپرتو پول، صیدماهی و ایک شیری	توتون انحصاری	توتون شیری	قیریس فضله سی	اجنبی تونباکیسی
لیرا	لیرا	لیرا	لیرا	لیرا	لیرا
۱۸۸۲ — ۱۸۸۳	۹۲۶,۱۰۱	۸۵۹,۶۳۶	۵,۴۸۱	۱۳۰,۰۰۰	۵۰,۰۰۰
۱۸۸۳ — ۱۸۸۴	۸۱۸,۹۰۳	۶۸۹,۴۷۸	۶۷,۷۳۸	۱۳۰,۰۰۰	۵۰,۰۰۰
۱۸۸۴ — ۱۸۸۵	۹۱۵,۱۶۷	۶۸۲,۷۸۲	۸۰,۱۴۵	۱۳۰,۰۰۰	۵۰,۰۰۰
۱۸۸۵ — ۱۸۸۶	۸۲۶,۸۴۴	۷۵۰,۰۰۰	۱۱۰,۸۹۹	۱۳۰,۰۰۰	۵۰,۰۰۰
۱۸۸۶ — ۱۸۸۷	۸۸۶,۸۸۵	۶۵۰,۰۰۰	۸۰,۶۶۵	۱۳۰,۰۰۰	۵۰,۰۰۰
۱۸۸۷ — ۱۸۸۸	۸۷۷,۰۲۶	۶۸۸,۷۰۰	۷۳,۴۲۵	۱۳۰,۰۰۰	۵۰,۰۰۰
۱۸۸۸ — ۱۸۸۹	۹۰۱,۶۱۴	۷۰۱,۰۶۶	۶۶,۵۶۱	۱۳۰,۰۰۰	۵۰,۰۰۰
۱۸۸۹ — ۱۸۹۰	۹۶۲,۱۷۳	۶۸۶,۳۷۹	۶۹,۰۵۰	۱۰۲,۵۹۶	۵۰,۰۰۰
۱۸۹۰ — ۱۸۹۱	۹۶۶,۰۸۳	۷۰۰,۰۰۰	۸۶,۷۹۸	۱۰۲,۵۹۶	۵۰,۰۰۰
۱۸۹۱ — ۱۸۹۲	۱,۰۱۹,۵۷۳	۷۳۴,۴۴۴	۸۲,۰۳۲	۱۰۲,۵۹۶	۵۰,۰۰۰
۱۸۹۲ — ۱۸۹۳	۱,۰۹۱,۰۳۷	۷۷۱,۷۴۵	۱۰۰,۸۶۵	۱۰۲,۵۹۶	۵۰,۰۰۰
۱۸۹۳ — ۱۸۹۴	۱,۱۰۴,۶۰۵	۷۸۷,۰۸۴	۹۵,۳۵۹	۱۰۲,۵۹۶	۵۰,۰۰۰
۱۸۹۴ — ۱۸۹۵	۱,۰۹۴,۴۳۶	۷۹۶,۱۳۵	۱۰۳,۱۱۵	۱۰۲,۵۹۶	۵۰,۰۰۰
۱۸۹۵ — ۱۸۹۶	۱,۰۴۱,۶۵۰	۷۹۶,۲۷۵	۱۰۲,۰۵۲	۱۰۲,۵۹۶	۵۰,۰۰۰
۱۸۹۶ — ۱۸۹۷	۱,۱۱۴,۸۰۵	۷۶۸,۷۷۱	۹۰,۹۶۲	۱۰۲,۵۹۶	۵۰,۰۰۰
۱۸۹۷ — ۱۸۹۸	۱,۰۹۲,۰۱۱	۷۰۱,۶۰۹	۹۷,۰۳۳	۱۰۲,۵۹۶	۵۰,۰۰۰
۱۸۹۸ — ۱۸۹۹	۱,۱۶۳,۵۹۶	۷۲۱,۳۷۸	۹۱,۲۴۰	۱۰۲,۵۹۶	۵۰,۰۰۰
۱۸۹۹ — ۱۹۰۰	۱,۱۰۷,۳۶۶	۷۲۳,۴۹۴	۹۰,۰۰۰	۱۰۲,۵۹۶	۵۰,۰۰۰
۱۹۰۰ — ۱۹۰۱	۱,۱۹۳,۷۹۴	۷۵۰,۰۰۰	۱۱۳,۰۰۴	۷۶,۳۵۰	۵۰,۰۰۰
۱۹۰۱ — ۱۹۰۲	۱,۱۹۸,۸۸۰	۷۷۸,۴۰۵	۱۰۲,۸۶۵	۱۲۸,۸۴۲	۵۰,۰۰۰
۱۹۰۲ — ۱۹۰۳	۱,۵۴۶,۶۸۰	۷۶۰,۹۵۷	۲۱۶,۸۹۴	۱۰۲,۵۹۶	۵۰,۰۰۰
۱۹۰۳ — ۱۹۰۴	۱,۰۰۲,۳۵۴	۴۷۹,۷۹۳	۱۲۲,۲۸۲	۵۱۲۹۸	۲۵,۰۰۰

ومرتبانه مصروف حاصلات صافی بی مین جدول

استقر اضل مرتبانه مصروف صافی یکون	مصارف عمومی واعاده	یکون واردات	متفرق واردات و آنچه فرقی کار و ضرری	روم ایلی شرقی و یرکسی
لیرا	لیرا	لیرا	لیرا	لیرا
۲,۱۲۵,۰۹۸	۷۶,۵۲۶	۲,۲۰۱,۶۲۴	+ ۲۶,۲۰۶	۲۰۴,۲۰۰
۱,۸۷۴,۴۷۶	۷۷,۶۸۴	۱,۹۵۲,۱۵۴	» ۲۴,۹۵۰	۱۷۱,۰۹۱
۱,۹۳۲,۹۴۵	۱۲۶,۳۳۲	۲,۰۵۹,۲۷۷	» ۱۶,۱۸۳	۱۸۵,۰۰۰
۱,۸۵۰,۳۵۴	۱۲۶,۲۷۰	۱,۹۷۶,۶۲۴	» ۹۶۴	۱۰۷,۹۱۷
۱,۷۲۷,۸۸۸	۷۰,۲۹۰	۱,۷۹۸,۱۷۸	» ۶۲۸	
۱,۷۵۰,۵۹۳	۷۷,۳۵۴	۱,۸۲۷,۴۴۷	- ۱۶,۵۴۲	۲۵,۳۳۸
۱,۹۰۸,۲۵۳	۸۴,۶۲۰	۱,۹۹۲,۸۷۳	- ۸,۳۹۴	۱۵۲,۰۲۶
۱,۹۴۲,۵۴۸	۷۴,۷۶۶	۲,۰۱۷,۳۱۴	- ۴,۸۹۶	۱۵۲,۰۲۶
۱,۹۸۸,۶۴۷	۷۶,۵۷۳	۲,۰۶۵,۲۲۰	+ ۷,۷۱۷	۱۵۲,۰۲۶
۲,۰۶۶,۵۷۱	۷۹,۴۰۱	۲,۱۴۵,۹۷۲	» ۵,۳۰۱	۱۵۲,۰۲۶
۲,۱۸۴,۵۴۵	۸۵,۲۱۸	۲,۲۶۹,۷۶۳	» ۱,۴۹۴	۱۵۲,۰۲۶
۲,۱۸۹,۴۰۵	۹۹,۷۰۲	۲,۲۸۹,۱۰۷	- ۲,۵۶۳	۱۵۲,۰۲۶
۲,۱۹۶,۳۱۹	۱۰۱,۴۶۱	۲,۲۹۷,۷۸۰	- ۵۲۸	۱۵۲,۰۲۶
۲,۱۳۸,۳۵۷	۱۰۶,۲۴۲	۲,۲۴۴,۵۹۹		۱۵۲,۰۲۶
۲,۰۶۹,۲۱۶	۹۵,۹۷۲	۲,۱۶۵,۶۸۸	+ ۴۷	۳۸,۰۰۷
۲,۱۰۴,۵۳۰	۷۸,۹۷۰	۲,۱۸۳,۵۰۰	» ۸۹۴	۱۳۹,۳۵۷
۲,۱۳۱,۰۸۲	۱۰۱,۳۳۴	۲,۲۳۲,۴۱۶	» ۲,۲۵۵	۱۰۱,۳۵۱
۲,۱۵۴,۷۰۲	۱۲۲,۱۲۲	۲,۲۷۶,۸۲۴	» ۶۶۶	۲۰۲,۷۰۲
۲,۰۶۹,۹۰۹	۱۱۵,۳۲۳	۲,۱۸۳,۲۳۲	» ۸۴	
۲,۱۲۶,۵۹۱	۱۳۷,۹۶۲	۲,۲۶۴,۵۵۳	» ۵,۵۶۱	
۲,۴۵۹,۴۳۸	۵۷۷,۵۷۱	۳,۰۳۷,۰۰۹	» ۱۷,۸۲۳	۳۴۲,۰۵۹
۱,۴۱۱,۸۹۰	۵۱۶,۸۱۲	۱,۹۲۸,۷۰۲	» ۱۷۲,۰۶۲	۷۶,۰۱۳

بوجود لك هيئت عموميه-سي ديون عموميه به تخصيص ايدلين وارداتك يكرمي س-نه
ظرفنده مهم بر اثر ترايد ارانه ايتمهرك همانده ثابت بر حالده قالدینی كوسترير. في الحقيقه
ايك سنه معاملاتی ۱۴ آيلق بر دوره به عائد اولدینی ايچون بوندن صرف نظر ايدمهرك
ايكنجي س-نه مبدأ اتخاذ ايدمهرك اولورسه ق وارداتك حاصل غير صافيسنك
۱,۹۵۰,۰۰۰ واصل صافيسنك ۱,۸۷۵,۰۰۰ ليراجوارنده اولدینی كوريلور. بو واردات
س-دن س-نه وسطی اولهرق ۲۰-۳۰ بيك ليراقدر آرتیق صورتيله يكرمجي س-نه نهايتنده
يعنی ۱۹۰۲ ده، انجق غير صافی ۲۲۵۰,۰۰۰ و صافی ۲,۱۲۵,۰۰۰ ليراجوارينه واصل
اولش يعنی مجموعاً ٪ ۱۰ راده سنده بر نسبت ترايد كوستر مشدر. يكرمي س-نه كبی
اولدجيه اوزون بر دوره نظر دفته آلهجق اولورسه بونسبتك تماماً قابل اهمال بر كميت
اولدینی تظاهر ايدر. بوكيفيت محرم قرارنامه سنده موجود اساسی بر طاقم محذورلردن
تولد ايتمكه ایدی. نتکیم ايلريده ۱۹۰۳ توحيد ديون قرارنامه سنك مطالعه سی صيره سنده
بومستلہی اساسی بر صورتده تدقيقه فرصت بوله جغز.

حاصلاتك ديون مرتبانه صورت تخصيصنه كلنجه بوكيفيت تماميله قرارنامه سنك وضع
ايتديكي احكام و شرائط دائره سنده ياييلمشدر. حكومت بدوره ظرفنده وارداتك هيچ
برجه س-نه الي سورمه مش، ۱۸۹۷ يونان حربی بيله، اضطرابات ماليه ومدافعه وطن
اندیشه س-نه رغما، دولتی بوسياستدن آيرامامشدر. بونك سببی نه اولورسه اولسون هر حالده
قرارنامه به بو مطاوعت دولتك خارجه کی اعتباری اوزرينه اولدجيه حسن تأثير ايتش،
ايلريده كوره جكمز وجهله، سلطان حميد دوری استقراضاتی شرائط اعتباريله اسکی
دورلره نظراً دها ای بر مظهرينه مالک اولمشدر.

معلوم اولدینی وجهله قرارنامه احكامنه تبعاً ديون عموميه وارداتندن اول امرده
هرسنه (۵۹۰,۰۰۰) ليرا تفريق ايديلهرك بونكله تحويلات ممتازيه (٪ ۵) مقدارنده
برقائض وبوندن ماعدا (۱۹۰۶) سنه س-نه قدر، يكرمي بش سنه ظرفنده، هرسنه
بر حصه اطفال و بيمك وبوصورتله تحويلات ممتازه اطفال اولونمق لازم كليوردی. بوندن
صوكر اقالاجق واردات ديكر استقراضاتك فائضه حصر ايديلهرك بونكله ابتدا
(٪ ۰,۲۵) دن باشلامق وينه تدريجاً (٪ ۲۵) فاصله لريله ترايد ايتك اوزره
تحويلات بر فائض و بيمك وفائض [٪ ۱] حدی بولدقن صوكر وارداتك [٪ ۱] فائضه
و [٪ ۱] ی، بوقاينده كورديكمز ترتيب دائره سنده، سهريلرك تدريجاً آمورتيسمانه صرف

ایدنك اقتضا ایتكده ایدی. روم ایلی شمندوفر تحویلاتنه اصابت ایدنه جك فائض حصه سنك ده فائض شكندنه اولمایه رق، اصول مخصوصه سی دائره سنده كشیده ایدیه جك قرعه لرله اكرامیه و آمورتی اولارق توزیمی مقرر دی .

ایشته بو شرائط داخلنده ابتدا تحویلات ممتازیه [۵۹۰,۰۰۰] لیرا تفریق ایدلدكن صوكره متباقی واردات فائض و آمورتیسیمانلره حصر ایدیلنكه باشلامشدر. روس محاربیه سنده اراضی آلان دولتلك حصه سنه اصابت ایدنه جك دیون عمومیه حصه لری قرارنامه موجبنه، فوق العاده بر آمورتیسیمان حسابنه نقل ایدیلر كه سه ریلر آرم سنده، فوق العاده آمورتیسیمان یاییلمقه حصر ایدیه جك ایدیه ده، معلوم اولدینی وجهه، بو حصه لك تعینی ممکن اولاماش و بوندن دولابی فوق العاده آمورتیسیمان ده یاییلمامشدر .

تخیرات ممتازه نك [۴٪] فائضی بر بینه نوبلی — آنجق دیون عمومیه اداره سی (۳۰ حزریران ۱۸۹۰) تاریخنده حكومتك موافقتی آله رق تحویلات ممتازه نك باشلیجه حاملی اولان عثمانلی بانقه سیله عقد ایتدیكى بر مقاوله ده بو تحویلات ممتازه نی [۵٪] دن [۴٪] فائضی بر دین حالته تحویل ایتش و آمورتیسیمان ده [۱۹۰۶] ده ختامه ایره جك ایكن مدتی [۱۹۳۰] ده ختامه ایرمك صورتیه تمید ایدیلشدر . بو صورتله كرك فائضدن و كرك مدتك تمیدی حسابیه آمورتیسیماندن بر استفاده تأمین ایدیلش و تحویلات ممتازیه ویریه جك مرتبات سنویه یكونی (۵۹۰,۰۰۰) لیرا دن (۴۳۰,۵۰۰) لیرایه تنزیل اولونمشدر . مع مافیه متباقی (۱۵۹,۵۰۰) لیرا هر سنه یه تفریق اولونه جق لیكن بویاره، تحویلات ممتازه یرینه محرم قرارنامه سنه داخل سائر دیونك فوق العاده آمورتیسیمانه حصر ایدیه جكدی . دولت بو صورتله تحویلات ممتازه ایچین اسکیدن داها اوزون بر مدت تأمینانده بولونمغی قبول ایتكده و بویاده حاصل اولان فرقی مرتباتك فوق العاده اطفاسنه حصر ایتكده ایدی .

بو معامله یه شو صورتله واصل اولونمشدر : [۱۸۸۱] تاریخنده بو تحویلاتك عددی (۳۷۱,۳۶۳) ایدی . بهری [۵۰۰] فرائق یعنی (۲۲) لیرا اولق اعتباریه مجموع سرمایه : $۳۷۱,۳۶۳ \times ۲۲ = ۸,۱۶۹,۹۸۶$ لیرا ایدی . [۱۸۹۰] تاریخنه قدار بو تحویلات دن (۷۹,۳۰۰) عددی یعنی [۱,۷۴۴,۶۰۰] لیرالغی اطفای ایدلدیكندن میدان تداوله :

$$۶,۴۲۵,۳۸۶ = ۲۲ \times ۲۹۲,۰۶۳$$

لیرالق سرمایہ قلمش اولویوردی . ایستہ بو سرمایہ (۵٪) دن (۴٪) فائضلیہ
قلب ایدیلش و (۵٪) فائضلی (۲۹۲,۰۶۳) لیرایہ مقابل بالحساب (۳۹۱,۳۶۳)
عدد (۲۲) لیرالق فقط (۴٪) فائضلی تحویل ویریلشدرد. بوصورتله بورج مقداری:

$$۸,۶۰۹,۹۸۶ = ۲۲ \times ۳۹۱,۳۶۳$$

لیرایہ چیقمشدر . لکن بونک (۴٪) فائضی و (۱۸۹۰-۱۹۳۰) آراسنده ۴۰ سنه مدتله
آمورتیسمانی یکونی سنوی (۴۳۰,۵۰۰) لیرایہ اینش وهرسنه و بروجہ بالا (۱۵۹,۵۰۰)
لیرا تصرف ایدلش اولویوردی . فوق العاده آمورتیسمانه صرف ایدبله جک اولان بومبلغدن ،
قیم اعظمی عادی صورتله اطفای ایدیلش اولدیغی ایچین، (آ) سهریسنه پک آز حصه ویریلش
الفضلہ مقداری دیگر ترتیلره حصر ایدبله رک بروجہ آتی تقسیم ایدیلشدرد :

$$(آ) = ۱۱,۰۰۰$$

$$(ب) = ۴۹,۵۰۰$$

$$(ت) = ۴۹,۵۰۰$$

$$(د) = ۴۹,۵۰۰$$

$$\text{یکون } ۱۵۹,۵۰۰$$

(آ) سهریسنک اطفاسندن صوکره اونک حصه سی دیگر سهریلر آره سنده تقسیم
اولوناجقدی . (د) سهریسنک اکرامیه لی تحویلاتک ده بر حصه سی واردی .

فائضه رعاری آمورتیسمانه تأدیانی — تحویلات ممتازه و فوق العاده آمورتیسمان
حصه لرینک بروجہ بالا ترتیلندن صوکره قالان مبلغدن (۱۹۰۳) سنه سنه قادر دورت ترتیه
آنحق (۱٪) نسبتند فائض و (۰,۲۵٪) نسبتند آمورتیسمان ویریله بیلشدرد. اطفای حصه سنه
آیریلش اولان مبلغ و فوق العاده آمورتیسمانه (۱۸۹۸) ده (آ) سهریسی تمامیه اطفای
ایدیلش و آمورتیسمان صیره سی ینه (۰,۲۵٪) نسبتله (ب) واونی متعاقب (ت) ترتیلرینه
کلشدی . (۱۹۰۳) سنه سنده فائض ایلک دفعه اوله رق (۱,۲۵٪) نسبتنه چیقاریلش
ایسده باب عالی ابتدا بوترییده موافقت ایتک ایسته ممش، بونک اوزرینه حکمه کیدیله رک
حکم لورد آوهرستون - Athuerston ک (۱۸ تموز - ۱۹۰۳ تاریخی قراریه علیهمزه
چیقمله بو (۱,۲۵٪) نسبتی تطبیق اولومغه باشلامشدر .

ا کرامیه لی تحویلات ده بودوره ظرفنده محرم قرارنامه سنک (۱۳) نجی ماده سنده

تعمین ایدیلن شرائط دائره سنده معامله کورمشدر : بونک ایچین اول امرده بوماده نك احکامی موجبجه (۱۸۷۵-۱۸۸۱) سنه لرنده قرعه اصابت ایدن نومرولره (۲۰٪) یه قانار تأدیات یاییلار ق بونومرولر احا ایدیلش، تانیاً ا کرامیه لی تحویلات مقاوله اصلیه سی موجبجه ایکی آیده برواق کشیده لرده ، اصابت ایدن نومرولره ، وارداتک مساعد اولدیغی نسبتده تأدیات اجراسیله بونومرولر اطفا اولونمش و نالنا قان مبالغ و فوق العاده آمورتیسمان حصه سیله ده پیاسه دن مبیعه صورتیله احا معاملاتی یاییلمشدر .

بودوره نك اك صوك سنه سی اولان (۱۹۰۳) تاریخنده واردات مخصوصه حاصلات صافیه سی اولان (۲,۴۵۹,۴۳۸) لیرا بروجه بالا تعمین ایدیلن اساساته توفیقاً شو صورتله تقسیم ایدیلشدی :

تحویلات منازره فائض و آمورتیسمانه	۴۳۰,۵۰۰	
متباقی بورجلرك فوق العاده آمورتیسمانه	۱۵۹,۵۰۰	
		۵۹۰,۰۰۰
۱,۱۹۵,۵۵۱ متباقی وارداتك ۱/۵ فائض حصه سی (۲۵٪ نسبتده فائض دوشمشدر)	۱,۱۹۵,۵۵۱	
۳۷۳,۸۸۷ متباقی وارداتك ۱/۵ آمورتیسمان حصه سی (ب، ث) ترتیب لرینه	۳۷۳,۸۸۷	۱,۸۶۹,۴۳۸
۲۵٪ نسبتده آمورتیسمان دوشمشدر		
یکون	۲,۴۵۹,۴۳۸	

(ب، ث، د) ترتیب لریله ا کرامیه لی تحویلات آره سند مشترک اولان (۱,۴۹۵,۵۵۱) لیرانك تقسیم ده بروجه آتیدر :

اوج ترتیه	۱,۲۶۸,۱۰۵
ا کرامیه لی تحویلات	۱۹۵,۴۰۷
بقیه قالب سنه آتیه ده دور اولونان	۳۲,۰۳۹
یکون	۱,۴۹۵,۵۵۱

تأدیه ایدیلش اولان فائضلری برطرف ایده جك اولورسه ق [۱۹۰۳] سنه سنه قانار درت ترتیب ایله ا کرامیه لی تحویلاتده یاییلمش اولان اطفا مقدار لرینی کورمك ایچون آتیده کی جدولك تدقیق اقتضا ایدر .

بورجلر	بورج مقداری (۱۸۱۱) دهکی لیرا	اطفا ایدیلن مقدار لیرا	اطفا مقدار لیرا	اطفا ایدیلن مقدار لیرا	تداوله قالان بورج لیرا
(آ) ترتیبی	۶۳	۷,۸۳۱,۸۶۹	۶۳	۷,۸۳۱,۸۶۹	۲۴
(ب) »	۴۱	۱۱,۰۴۹,۳۰۷	۱۸	۷,۸۹۱,۲۸۴	۲۷
(ت) »	۳۷	۳۳,۶۰۴,۱۷۶	۳۷	۷,۲۴۹,۷۰۶	۲۷
(د) »	۷۷	۴۸,۰۱۷,۱۶۱	۴۹	۳,۶۱۱,۶۳۵	۵۱
ترتیبی یکنون	۱۸	۱۰,۰۵۰,۲,۵۱۵	۶۷	۲۴,۵۸۴,۴۹۵	۶۷
اکرامیہ تخریلات	۷۰	۱۵,۶۳۲,۵۴۷	۰۳	۲,۱۸۳,۷۵۱	۱۸
یکنون	۸۸	۱۱۶,۱۳۵,۰۶۲	۷۰	۲۶,۷۶۸,۲۴۶	۲۳,۰۴

بو جدول (۱۹۰۳) ایلونه قدر محرم قرارنامه سنه داخل دیونک یکونندن (۲۶
میلیون) کسور لیرا یعنی بوتون بورجک (۲۳٪) ندن فضا بر اطقا یاسیلدیغی و بوضورتله
بورج یکوننک (۱۱۶ میلیون) ایرادن (۸۹ میلیون) ایرا جوارینه ایندیکنی واضحاً
کوسترمکده در . ایشته بو تاریخده بورجلر یکی بر تحویل دیونه تابع طوتولارق محرم
قرارنامه سی تعدیل ایدیلشدر . یکی وضیق آکلامق ایچین [۱۹۰۳] توحید دیون
قرارنامه سی آریجه مطالعه ایتک ایجاب ایدر .

ابراهیم فاضل

[کلجک نسخه ده دوام ایدر جکدر]

حقوق فاکولته سی اقتصاد مدرسی

مکتب ملکیه مالیه معلمی

